

說文解字義證

說文解字第十一

義證第三十四

曲阜桂馥學



水出東郡濮陽南入鉅野從水僕聲

博木切

水出東郡濮陽者水經注瓠子河云秦始皇置東郡治濮陽縣濮水逕其南故曰濮陽也又引京相璠曰濮水故道在濮陽南水經瓠子河出東郡濮陽縣北河東至濟陰句陽縣爲新溝又東北過廩邱縣爲濮水馥案此乃濮之枝渠地理志陳留郡封邱縣濮渠水首受沛東北至都關入羊里水水經注瓠子北有都關縣故城縣有羊里亭瓠河逕其南爲羊里水釋例土地名京二十七年傳濮下注云濮自陳留酸棗縣受河東北經濟陰至高平鉅野縣入濟史記衛世家石碯與陳侯共謀因殺州吁于濮索隱曰賈逵云濮陳地按濮水首受河又受汴汴亦受河東北至離狐分爲二俱東北至鉅野入沛則濮在曹南之閒賈言陳地非也若據地理志陳留封邱縣濮水受沛當言陳留水也春申君傳王又割濮磨之北集解云徐廣曰濮水北於鉅野入濟馥謂此皆濮渠也南入鉅野者地理志東郡濮

陽縣下應劭曰  
濮水南入鉅野

齊魯閼水也從水樂聲春秋傳曰公會齊侯于濊

盧谷

切

齊魯閼水也者五經文字濊齊水名玉篇濊水在濟南寰  
宇記歷城縣濊水在縣西南二百步曾鞏齊州二堂記歷  
城之西有泉涌出高或至數尺其旁之人名之曰趵突之  
泉蓋泉自渴馬之崖潛流地中而至北復出也其注而北  
則謂之濊水水經注濟水云濟水又東北濊水入焉水出  
歷城縣故城西南泉源上雷水涌若輪又北流注于濟謂  
之濊口也春秋傳曰公會齊侯于濊者桓十  
八年經文杜注濊水在濟南歷城縣西北入濟

水在魯從水龍聲

苦郭切

水在魯者春秋襄十九年取邾田自濊水杜注濊水出東  
海合鄉縣西南經魯國至高平湖陸縣入泗哀二年季孫  
斯叔孫州仇仲孫何忌帥師伐邾取邾東田及沂西田范  
甯云濊沂皆水名九域志兗州鄒縣有濊水寰宇記費縣

潞水源出縣西南連青山下左氏襄十九年取邾田自潞水今按水發源自山下東北流又折而西南流入徐州滕縣界水經泗水云又西過瑕邱縣東屈從縣東南流潞水從東來注之鄭注潞水出東海合鄉縣其水西南流入邾又逕魯國鄒山東南而西南流春秋左傳所謂嶧山也又西南逕蕃縣故城南又西逕薛縣故城北又西逕仲虺城北又西至湖陸縣入于泗故京相璠曰薛縣潞水首受蕃縣西注山陽湖陸是也經言瑕邱東誤耳

淨

魯北城門池也從水爭聲

土耕切又才性切

魯北城門池也者顧炎武曰公羊閔公二年傳桓公使高子將南陽之甲立僖公而城魯或曰自鹿門至於爭門者是也或曰自爭門至於吏門者是也注爭門吏門竝闕按說文淨魯北城門池也从水爭聲土耕切是淨門卽以此水名省文作爭爾後人以滯字省作淨音才性切而梵書用之自南北史以下俱爲才性之淨而魯之爭門不復知矣顧案字或作埵廣韻埵魯城北門池也

潞

水出東郡東武陽入海從水巽聲桑欽云出平原高

唐他合

唐切

水出東郡東武陽者郡國志東郡東武陽濕水出又平原  
郡高唐濕水出又平原有濕陰縣應劭曰東武陽在武水  
之陽水經注以武水卽濕水六書故云濕漢志作溇禹貢  
浮于濟溇達于河孟子淪濟溇而注諸海是也史記夏本  
紀浮於濟溇索隱溇水出東郡東武陽縣北至于乘縣而  
入于海地理志東郡東武陽禹治溇水東北至于乘入海  
過郡三行千二十里穆天子傳天子自丘鹿東征釣于溇  
水又云天子飲於溇水之上注云溇水今濟陰溇陰縣音  
杏揚雄兗州箴濟溇既通水經注河水云故瀆又東北入  
東武陽縣東入河又有溇水出焉戴延之謂之武水也鄆  
注尚書溇水出東郡東武陽陳琳爲袁紹檄豫州文青州  
涉濟溇太康地記溇沃縣屬樂陵國元和志齊州臨邑縣  
溇水北去縣七里通典溇水在漢之東郡東武陽縣今魏  
郡莘縣有東武陽城無此水矣溇音他合反又棐州蒲臺  
縣下云漢溇沃縣漢志千乘郡溇沃水經注河水作溇沃  
又引地理風俗記曰千乘縣西北五十里有大河河北有  
溇沃城又與溇溇後漢書襄楷傳平原限陰人注云限陰  
縣在限水之南漢書王子侯表濕成侯忠史記作限卽西

河之隰城縣京二十三年左傳戰於犁邱杜云犁邱隰也  
釋文作濕云本又作隰隰隸變從累北魏鄭義碑原隰生  
光又變從累建城鄉侯劉靖碑隰作隰釋地下澤日隰陸  
德明本作隰云隰本或作隰音習後魏武德于府君義橋  
碑隰又作隰荀子不苟篇窮則奔而僂楊注僂當爲濕字  
書無僂字韓詩外傳作奔而累也五經文字濕兗州水名  
經典相承以爲燥溼之溼別以濕爲此字華嚴經音義溼  
失入反經本有作濕者音他合反此乃平原郡之水名耳  
廣川書跋郛閣頌醴散關之嶰濕徒朝陽之平燥濕當作  
濕燥當作燥馥案孫叔敖碑下濕磽確皆以濕爲溼字  
入海者地理風俗記濕水東北至千乘入海唐高宗問許  
敬宗曰書稱浮于濟濕今濟濕斷不相屬敬宗曰不言合  
濕者濕自東武陽至千乘入海也桑欽云出平原高唐  
者此出欽所作地理志班志平原郡濕陰下應劭曰濕水  
出東武陽東北入海又高唐下桑欽言濕水所出功臣表  
朝望侯冷廣以濕沃公士又濕陰定侯昆邪魏書地形志  
樂陵郡有濕沃縣平原郡博平縣有濕水宗俱碑陰平原  
濕陰郭巨石室畫象平原濕陰韓勅後碑陰平原濕陰工  
宣蘇衡等題名平原濕陰馬象黃度曰以水經注元和志  
衰字記諸書考之濟水最南濕水在中河水最北今者小

清所經自歷城以東如章邱鄒平長山新城高苑博興樂  
安諸縣皆古濟水所行而大清所經自歷城以上至東阿  
固皆濟水故道而自歷城東北如濟陽齊東青城諸縣則  
皆古漯水所行蒲臺以北則故河水所經蓋宋時河嘗行  
漯瀆及河去則大清兼行河漯二瀆其小清河所行則斷爲  
濟水故道也胡渭曰漢志東郡東武陽縣下云禹治漯水  
東北至千乘入海又平原郡高唐縣下云桑欽言漯水所  
出今按禹引河自大伾山西折而北循大陸東畔入海而  
漯首受河自黎陽宿胥口始不起東武陽也水經注所敘  
河水自宿胥口又東右逕滑臺城又東北逕黎陽縣南又  
東北逕涼城縣又東北逕伍子胥廟南又東北爲長壽津  
河之故瀆出焉河水又東逕鐵邱南又東北逕濮陽縣北  
又東北逕衛國縣南又東逕鄆城縣北又東北逕范縣之  
秦亭西又東北逕委粟津皆古漯水也自周定王五年河  
徙從宿胥口東行漯川至長壽津始與漯別其津以西漯  
水之故道悉爲河所占而上游較短矣然河之故瀆不經  
東武陽亦不經高唐迨漢成帝建始末河決館陶山東武  
陽絕漯水而東北至高唐又絕漯水東北至千乘入海雖  
嘗塞治而故道猶存王莽始建國三年復決於此莽爲元  
城冢墓計不隄塞明帝永平中王景脩之遂爲大河之經

流自是委粟津以西潔水之故道又為河所占上游益短矣潔水一出於武陽再出於高唐據成帝後言之耳



水出山陽平樂東北入泗從水包聲

匹交切

水出山陽平樂者地理志山陽郡平樂侯國泡水東北至沛入泗沛本或作沛水經注泗水云泡水即豐水之上源也水上承大薺陵東逕己氏縣故城北又東逕平樂縣右合泡水又東逕豐縣故城南又東合黃水水上舊有梁謂之泡橋元和志沛縣泡水即豐水也西去縣百五十步九域志徐州沛縣豐縣俱有泡水或通作苞通鑑步尼公引兵趣苞橋沛縣民燒苞橋夜於林中擊鼓魏以宋兵大至爭渡苞水東北入泗者水經注泡水又東逕沛縣故城南逕征記曰城極大四周壅通豐水豐水於城南東注泗即泡水也



荷澤水在山陽胡陵禹貢浮于淮泗達于荷從水荷

聲古俄切

荷澤水在山陽胡陵者胡當為湖禹貢釋文引作水出山陽湖陵南玉篇荷澤水在山陽湖陵南禹貢山水澤地荷



靈石楊氏

水在山陽湖陸縣南禹貢豫州導荷澤被孟豬傳云荷澤在湖陵地理志沛陰郡禹貢荷澤在定陶東案括地志謂之龍池又名九卿陂非荷水也鄭注禹貢云自導弱水已下言過言會者皆是水名言至于者或山或澤皆非水名馥案經云又東至于荷然則荷為澤名也傳寅禹貢集解云許氏說文云荷澤水在山陽胡陵而班固以為在定陶何也蓋在定陶者其澤也在湖陵者其流也其流東與泗合在今單州之魚臺魚臺在單之東北百里而近正古湖陵地也水經泗水又屈東南過湖陸縣南酈注地理志故湖陵縣也荷水在南王莽改曰湖陸應劭曰尚書一名湖陵章帝封東平王蒼子為湖陸侯更名湖陸也戴君震曰今漢書地理志山陽郡湖陵下云禹貢浮于泗淮通于河水在南莽曰湖陸應劭曰尚書一名湖章帝封東平王倉子為湖陵侯更名湖陸此條舛誤者八泗淮當作淮泗一也通于河當作通于荷二也水在南當作荷水在南三也尚書二字當在禹貢二字上不當在應劭曰下四也應劭時稱湖陸已久所引應劭語宜為地理風俗記湖陸縣之文一名湖當是一名湖陵校漢書者矣剛陵字以起下文有陵字為更名耳五也倉當作蒼六也為湖陵侯當作為湖陸侯七也更名湖陵當作更名湖陸八也道元此注亦

有尚書二字蓋校書者據漢志訛本增入說文荷字下云  
荷澤水在山陽湖陵引禹貢浮于淮泗達于荷而水經濟  
水內敘荷水云又東南過湖陸縣南東入於泗水道元注  
亦引尚書浮于淮泗達于荷今尚書本皆訛作達于河以  
尚書及前後漢書水經注互有舛誤彼此紛糾僅就一處  
訂正終難了徹故備論之漢志泗水至方與入沛實入荷  
故謂之荷沛水經泗水又南過方與縣東荷水從西來注  
之酈注荷水卽沛水之所苞注以成湖澤也而東與泗水  
合于湖陵縣西六十里殺庭城下水經洙水又東過方與  
縣北爲荷水荷水又東過湖陸縣南東入于泗水案由淮  
達泗由泗達荷禹貢之故道如此元和志魚臺縣下云荷  
水卽濟水也一名五丈溝西自金鄉縣界流入去縣十里  
又東南流合泗水胡渭曰荷澤在陶邱之東北相去不遠  
濟水伏流至陶邱北上奮馳波跳沫東北滙于荷澤又東  
北絕鉅野至取槐入海者爲濟潰其一枝東南流至湖陵  
入泗者後人目之曰荷水漢志湖陵縣下云荷水在兩者  
是湖陵今爲魚臺縣地也許慎云荷澤水在湖陵謂澤之  
下流入泗者亦未爲誤自孔傳襲其文曰荷澤在湖陵而  
遺一水字則在湖陵者爲澤矣釋至于荷又增一水字曰  
荷澤之水則定陶之荷澤與湖陵之荷水無別矣酈道元

時孔傳已盛行故宗其說言尚書有導荷澤之說自陶邱  
北東至於荷水又以湖陵入泗爲澤水所鍾而不知此特  
荷澤之下流其所鍾則在定陶也且豫州導荷澤被孟豬  
乃導荷澤之餘波南入于孟豬非謂東南至湖陵入泗之  
荷水應乃混而爲一種種紕繆皆爲孔傳所誤禹貢浮  
于淮泗達于荷者禹貢當作夏書今書作河韻會浮于淮  
泗達于河說者率合傳會或指鴻溝引河入泗爲禹迹或  
謂當時必有可達之理今按說文荷字注引禹貢此文則  
是達于荷非達于河許慎所見蓋古文尚書後人傳寫例  
以上下文達于河之句改荷爲河陸德明又以河音如字  
遂啟後人淮泗不能達河之疑然其下復云說文作荷工  
可切水出山陽湖陵南則非九河之河明矣如字之音陸  
氏誤也金履祥曰浮于淮泗達于河古文尚書作達于荷  
說文引書亦作荷荷澤與濟水相通而泗水上可以通荷  
下可以通淮徐州浮淮入泗自泗達荷也閭若璩曰浮于  
淮泗達于河陸德明引說文作荷蓋荷者澤名爲濟水所  
經又東至于荷者是在豫之東北卽徐之西北舟則自淮  
而泗自泗而荷然後由荷入濟以達于河此徐之貢道也  
或曰曷不詳言之余曰以上文兗州浮于濟漯達于河次  
青州便浮于汶達于濟不復言達于河矣又次徐州浮于

淮泗達于荷亦不復言達于濟矣至楊州則沿于江海達于淮泗且不復言達于荷不復言者蒙上文也一層脫卸一層雖由當日水道之自然而其敘法從變字法從簡真屬聖經之筆

泗

受沛水東入淮從水四聲

息利切

地理志魯國卞縣泗水西南至方與人沛過郡三行五百里青州川水經泗水出魯卞縣北山經言北山皆為非矣山海經曰泗水乘氏縣又云出卞縣北經言北山皆為非矣山海經曰泗水出魯東北余昔因公事沿歷徐沭路逕洙泗因令尋其源流水出卞縣故城東南桃墟西北墟有漏澤澤西連岡通阜西北四十許里岡之西際便得泗水之源也博物志曰泗出陪尾蓋斯阜者矣括地志泗水源在兗州泗水縣東陪尾山其源有四道因以為名元和志泗水源出陪尾山其源有四四泉俱導因以為名馥案此皆發源之泗魯語宣公夏濫於泗淵注云泗在魯城北馥案此謂與洙合流之泗地理志沛陰郡乘氏縣泗水東南至睢陵酈縣酈縣入淮過郡六行千一百一十里馥案此受沛之泗泗之末流受沛水者徐鍇本作水受沛水馥案受沛水者即荷水也閻若璩曰或問王伯厚謂漢志有兩泗水其一濟陰郡乘

靈石楊氏棐

氏縣注泗水東至睢陵入淮又一泗水魯國卞縣注西南至方與入沛沛自沛之謁其說信乎余曰殆王氏考之不審泗一而已安得復出乘氏乘氏漢縣寰宇記在鉅野縣西南五十七里班固祇當於卞縣下注曰禹貢泗水出陪尾山西南至方與與荷合又東南至睢陵入淮只此已足更進一層睢陵仍當作淮陰泗入淮在今清河縣東南謂之泗口亦名清口睢陵則今睢寧縣治耳馥案水經濟水又東至乘氏縣西分爲二其一水東南流其一水從縣東北流入鉅野澤酈注南爲荷水北爲濟瀆馥案漢志乘氏之泗水卽沛水泗旣入沛沛又南流爲荷則竝受泗之通稱矣說文受沛水沛卽東南流之荷水漢志言入說文言受實不相背說文泗次荷下固有意也水經泗水又南過方與縣東荷水從西來注之酈注荷水卽濟水之所苞注以成湖澤也而東與泗水合於湖陵縣西六十里穀庭城下馥謂此條若不與沛水參看則漢志說文皆不可通閻氏謂泗不得復出乘氏疏矣又案漢志出卞者泗之源也入沛者乃其中流非末流也乘氏有泗者言入沛之後與沛合而東入淮其合沛在乘氏非謂泗出乘氏也蓋沛卽荷故金仁山謂泗水上可通荷下可入淮也說文祇言其受沛入淮而不及其出卞一節者或因此一節與洙水合

流故就其分流受沛處舉之與東入淮者地理志乘氏泗水東南至睢陵入淮馥案乘氏以下之泗水經以爲沛水乃沛之支流合於泗而自乘氏入淮者泗之經流也本書謂受沛水東入淮者沛之支流隨泗入淮實泗入淮也郭注海內東經云今泗水至高平湖陸縣東南經沛國彭城下邳至臨淮下相縣人淮胡渭曰說文泗受沛水東入淮其所謂沛卽河水也鄭善長云沛在湖陸西而左注泗泗沛合流地記或言沛入泗泗亦言入沛故有入沛之文泗按班固謂泗入濟許慎謂泗受濟而不言河以河卽濟也水經濟水篇所敘自乘氏以至湖陸卽分濟之河自沛縣以至睢陵卽入淮之泗也通典兗州刺史劉遐自彭城退屯泗口寰宇記宿遷縣有泗口馥案淮水經宿遷縣界卽泗入淮之處故曰泗口



## 水在齊魯間從水亘聲

羽元切

趙策相與會於洹水之上韓非子初見秦篇昔紂爲天子甲兵百萬左飲於淇谿右飲於洹谿淇水竭而洹水不流竹書紀年文丁三年洹水一日三絕魏志武帝紀畱蘇由審配守鄴公進軍到洹水北史齊高祖紀同會鄴挾洹水

而軍 隋書禮儀志後齊所祭山川有洹水 國經安陽封都莊淇洹二水之閼

水在齊魯閼者齊當爲晉水經洹水出上黨泫氏縣東過隆慮北又東北出山過鄴縣南又東過內黃縣北東入于白溝鄴注水出洹山在長子縣也又云許慎說文呂忱字林竝云洹水出晉魯之閒馥案河朔訪古記亦引作晉字此水出漳德府林縣東北流至安陽縣城北折而東南流入衛河去齊地遠矣廣韻洹水名在鄴玉篇洹水出汲郡隆慮縣成十七年左傳初聲伯夢涉洹杜注洹水出汲郡林慮縣東北至魏郡長樂縣入清水釋例洹出汲郡林慮縣東北至信城人張甲河北山經神囷之山黃水出焉而東流注于洹注云洹水出汲郡林慮縣東北至魏郡長樂人清水隋圖經洹水出隆慮縣西北俗謂之安陽河卽聲伯夢涉之水源出林慮山下平地九域志相州林慮縣有洹水寰宇記林慮縣漢隆慮縣屬河內郡洹水出縣西北俗謂安陽河卽聲伯夢涉之所源出林慮山東平地林慮山在縣西二十里輿地廣記相州臨漳縣本鄴縣後周分東北界置洹水縣

洹水

河灘水在宋從水雖聲

於容切

河灘水在宋者釋水水自河出為灘父云灘反入郭云卽河水決出而復入者河之有灘猶江之有汜廣韻作灘云水名在宋又作雍淮南人閒訓楚莊王勝晉於河雍之閒列子黃帝篇雍水之潘為淵注云雍音擁河水決出還復入也釋名水從河出曰雍沛言在河岸限內時見雍出則沛然也

澶淵水在宋從水亘聲

市連切

澶淵水在宋者玉篇澶淵在頓邱縣南十三州志澶水在頓邱西南三十五里伏流至繁城西南郡國志沛國杼秋有澶淵聚水經注河水云大河之北卽東武陽縣也左會浮水故澶故澶上承大河于頓邱縣而北出東逕縣陽縣故城南應劭曰縣在縣水之陽張晏曰縣有縣淵春秋襄公二十年經書公與晉侯齊侯盟于澶淵杜預曰在頓邱縣南今名縣淵澶淵卽縣淵也亦謂之浮水馮馥案今本杜注繁淵作繁汙云此衛地又近戚田范甯亦云衛地九域志澶州臨河縣有澶淵寰宇記澶淵在臨河縣東南十七里在黎州東北八十里馥案臨河縣魏東黎縣地魏分汲郡置黎陽郡所領有東黎縣此非宋地



水出泰山蓋臨樂山北入泗從水朱磬

靈石楊氏

水出泰山蓋臨樂山者地理志泰山郡蓋縣臨樂山洙  
 水所出西北至蓋入池水池當為泗池本作沱與泗形近  
 誤也戴侗曰太山蓋縣今沂水縣最字記沂水縣本漢東  
 莞縣漢蓋縣城在縣西北八十里本齊邑漢以為縣景帝  
 封王皇后兄信為蓋侯後漢屬泰山郡隋開皇十六年於  
 此城置東安縣屬莒州後廢入沂水縣又云艾山一名樂  
 山在新泰縣東北三十里馥案水經沂水出蓋縣艾不當  
 在新泰臨樂山一名雕崖山在蒙陰縣東北一百三十里  
 沂水縣西北一百七十里水經洙水出泰山蓋縣臨樂山  
 西南至卞縣入于泗鄉注地理志臨樂山洙水所出西北  
 至蓋入泗水或作池字蓋字誤也洙水西南流于卞城西  
 西南入泗水亂流西南至魯縣東北又分為二水水側有  
 故城兩水之分會也洙水西北流逕孔里北是謂洙泗之  
 閒矣春秋之浚洙非謂始導矣蓋深廣之耳馥案經言西  
 南誤鄉注亦沿其誤春秋莊九年冬浚洙杜注洙水在魯  
 城北下合泗釋例洙水出魯國東北西南入沅水下合泗  
 馥案出字誤當云經魯國東北也入沅水者入沛也泗沛  
 合流故曰合泗 北入泗者泗在洙南而云北入者臨樂

山在陪尾之東南洙水西北流以入泗至魯城北復分流洙在北泗在南



# 水出青州浸從水朮聲

食韋切

水出者下有闕文地理志琅邪郡東莞縣衛水南至下邳入泗過郡三行七百一十里青州濰縣注衛水即流水也音同水經流水出琅邪東莞縣西北山東南過其縣東又東南過莒縣東又南過陽都縣東人於沂故謂山當是沂山或轉寫脫沂字廣韻流水名在琅邪今流陽縣在海州通典流水出東海郡流陽縣流音述元和志泗州連水縣下云流水俗名連水西南自海州流陽縣界流入寰宇記沂水縣流水出縣西北沂山南職方氏青州其浸沂流在縣界七十里又東南入於泗水又云流陽縣流水在城東南七十里步引東流七十里人車路湖齊乘水經注大弁山與小泰山連麓流水出焉漢志謂之衛水元和志云俗名連水出沂山東麓又云流水自厚邱縣分爲二今名南漣北漣也胡渭曰以今輿地言之流水出沂水縣歷莒州沂州郯城至流陽縣西北分爲二水其一南至邳州人泗即齊乘所謂南漣水也其一爲左瀆北至海州與安東之游水合自下游流通稱又北至贛榆入海即齊乘所謂北漣

水也字或作滿玉篇沔水在琅邪任緒釣魚處青州浸者周禮職方氏正東曰青州其浸沂流注云流出東莞

沂

水出東海費東西入泗從水斤聲一曰沂水出泰山

蓋青州浸

魚衣切

水出東海費東者水經注許慎說文云沂水出東海費縣東西入泗從水斤聲呂忱字林亦言是矣淮南地形訓時泗沂出臺台術高云時泗沂皆水名臺台術皆山名玉篇沂水出泰山琅瑯縣通典沂山在今琅瑯郡沂水縣即沂水所出也馥案水經注云鄭玄云沂出沂山亦或云臨樂山本有二源南源所導世謂之柞泉北水所發俗謂之魚窮泉俱東南流合成一川齊乘云鄭康成云沂水出沂山按今蒙陰縣東北地名南河川小阜之下有曰狗泉此沂源也東南逕馬頭固山有泉東流與之合北望沂山五十里殊無別源疑沂山水源占流今竭耳胡渭云按沂山在今青州府沂水縣北一百十里無沂源又雕崖山在縣西北一百七十里沂水於此發源是謂狗泉蓋即康成所謂沂山也臨樂艾山雕崖疑即沂山支阜之異名齊乘所謂狗泉者即北源之魚窮泉其出馬頭固山者即南源之柞

泉也 西入泗者御覽引無西字水經作南入泗

沂水經下邳縣北分爲二水一水於城北西南入泗

水經城東屈曲從縣南亦注泗謂之小沂水通鑑注泗水

東南流過下邳縣西沂水南流亦至下邳縣西而南入於

泗 一日沂水出泰山蓋者地理志泰山郡蓋縣沂水南

至下邳入泗過郡五行六百里青州浸又引書淮沂其又

顏注沂出泰山郡國志泰山郡蓋沂水出廣嶺沂水名出

太山博物志沂出太山水經沂水出泰山蓋縣艾山南過

下邳縣西南入於泗襄十八年左傳東侵及濰南及沂土

地名沂水出東莞蓋縣艾山南經琅邪東海至下邳縣入

泗吳語闕爲深溝於商魯之閒北屬之沂注云沂水名出

泰山蓋縣南至下邳入泗鄭注職方沂山沂水所出也在

蓋 青州浸者周禮職方氏青州其山鎮曰沂山其浸沂

流故案漢官解詁徐魯惟沂禹貢沂屬徐至周則徐入青

矣故曰 青州浸

# 洋水出齊臨朐高山東北入鉅定從水芊聲

似芊切

水出齊臨朐高山者徐鍇本作石亭山地理志齊郡臨朐

石亭山洋水所出東北至廣饒入鉅定顏注洋音祥故案

見之平水經卷之六 一 連筠移叢書

洋當爲洋音瀾水經巨洋水出朱虛縣泰山北過其縣西  
又北過臨朐縣東又北過劇縣西又東北過壽光縣西又  
東北入於海酈注泰山即東小泰山也巨洋水即國語所  
謂具水矣袁宏謂之巨味王韶之以爲巨蔑亦或曰胸瀾  
皆一水也而廣其目焉巨洋水自朱虛北入臨朐縣又東  
北逕委粟山又東北洋水注之水西出巨膏山西北入瀾  
口東南逕逢山祠西又東南歷逢山下即巨膏山也而東  
北流世謂之巨溝水東北流出於委粟山北而東注於巨  
洋謂之巨溝口地理志巨膏山洋水所出是也巨洋水又  
西北流而注於巨淀矣東北逕望海臺西東北流又東北  
注於海也馥案巨洋水故當作洋巨洋即胸瀾也巨蔑即  
巨味之轉音也皆與洋聲相近齊語使海於有蔽渠須於  
有渚賈侍中云海濱也渠列裨海也馥謂渠列即巨味  
胸瀾之異稱亦與洋聲相近後漢書耿弇傳追至鉅昧水  
上注云鉅昧水一名巨洋水在今青州壽光縣西九域  
志青州臨朐縣有洹水齊乘云洋水今謂之洹河出沂山  
西麓即東泰山也馥謂洋洹聲亦相近玉篇洋匹爾切亦  
瀾字類篇瀾瀾水盛兒或作洋馥謂二書雖不以洋爲水  
名實有從半之字矣益都楊君嗣曰世謂陽水即洋水案  
陽水道源漢之廣縣非出臨朐川土不同自非一水詩泌

之洋洋河水洋洋竝當為洋洋即新臺之河水瀾瀾也周  
禮萍氏禁川游者注云備波洋洋卒至沈溺也此洋字亦當  
為洋或曰洋字見於經傳豈得無其字釀曰山海經西山  
經昆侖之邱洋水出焉而西南流注于醜塗之水水經注  
河水云洋洋水導源已山東北流入漢寢宇記洋州真符縣  
本漢安陽縣地洋水出縣東北嶺據此則固有洋水矣本  
書或有洋洋二文形相類遂去其一今以洋當洋字之訓  
猶彌當彌字之訓矣北入鉅定者先入巨泮合巨泮以  
入鉅定也水經注淄水又東逕巨淀縣故城南征和四年  
漢武帝幸東萊臨大海三月耕巨淀即此也縣東南則巨  
淀湖蓋以



水出齊郡厲媽山東北入鉅定從水蜀聲

直角切

水出齊郡厲媽山者厲當作廣媽山當作為山地理志齊  
郡廣縣為山濁水所出玉篇濁水出齊郡廣縣水經注淄  
水云呂忱曰濁水一名濁水出廣縣為山世謂之冶嶺山  
北流注巨淀東北入鉅定者地理志濁水東北至廣饒  
入鉅定水經注淄水又東北馬車瀆水注之受巨淀淀即  
濁水所注也故案鉅定即鉅澱濁水所注故成鉅澱釋名

濁瀆也汁  
滓演瀆也



水出東海桑瀆覆甌山東北入海一曰灌注也從水

既聲 古代切

水出東海桑瀆覆甌山者東海當為北海地理志北海郡桑犢縣覆甌山溉水所出九域志濰州北海縣有溉水寰宇記濰州北海縣溉源山在州東南六十里山形如塔舊名塔山地理志云覆甌山溉水所出水經云溉水出塔山是山有二名天寶六年敕改為溉源山東北入海者地理志溉水東北至都昌入海一曰灌注也者洞簫賦迴江流川而溉其山李善引本書溉猶灌也本書淺川澤所仰以灌溉也莊子逍遙游時雨降矣而猶浸灌秋水篇百川灌河注云灌注也史記河渠書西門豹引漳水溉鄴漢書溝洫志此渠皆可行舟有餘則用溉顏注溉灌也養生論夫為稼於湯之世偏有一溉之功者雖終歸於焦爛必一溉者後枯然則一溉之益固不可誣也梁典到溉字茂灌或借槩字七發於是澡槩中李善云槩與溉同

水出琅邪箕屋山東入海徐州浸夏書曰濰淄其道

從水維聲切以追

水出琅邪箕屋山者地理志琅邪郡箕縣禹貢維水北至都昌入海過郡三行五百三十里青州濰也鄭注禹貢引地理志濰水出琅邪箕屋山本書屋山二字據漢志也齊乘濰水水經云出琅邪箕縣濰山許慎呂忱云箕屋山淮南子云覆舟山廣異名曰實一山也即今清風山在莒州莒縣北百里漢箕侯國地胡渭曰說文濰水出琅邪箕屋山謂琅邪郡箕縣之屋山非名箕屋也水經濰水出琅邪箕縣濰山襄十八年左傳東侵及濰注云濰水在東莞東北至北海都昌縣入海漢書韓信傳與信夾濰水陳顏注濰水出琅邪北箕縣東北經臺昌入海即禹貢所云濰淄其道者也寰宇記莒縣下云箕漢縣宣帝封城陽王王子文為侯即此邑後漢省併東莞據郡國縣道記引漢志云濰水北至都昌入海又許慎說文呂忱字林竝云濰水出琅邪箕屋山入海又水經云濰水出琅邪箕縣東今按箕山在莒縣北八十里箕縣蓋因山為名今故城在縣東北一百餘里其山在濰水之西是也又云濰水源出縣東北



淮山去縣入十三里東北流入諸城縣界禹貢淮潞其道

淮南子淮出覆舟山皆淮之異名括地志密州莒縣淮山

淮水所出隋志淮水在北海郡下密縣元和志輔唐縣淮

山在縣東北八十三里淮水所出也顧炎武曰淮水其字

或省水作維或省系作淮又或從心作惟總是一字漢書

地理志琅邪郡朱虛下箕下作維靈門下橫下折泉下作

淮上文引禹貢惟留其道又作惟一卷之中異文三見古

人之文或省或借其効竝從鳥佳之佳則一爾後人誤讀

爲淮沂其久之淮而呼此水爲槐河失之矣又曰馬文煒

曰漢書王子侯表城陽頃王子東淮侯類封北海按北海

郡別無淮水益濰字之異文又曰通鑑梁武帝紀魏李叔

仁擊邢杲於惟水胡三省注惟當作濰東入海者水經

濰水又東北過都昌縣東又東北入於海徐廣曰濰水出

東莞而東北流至北海都昌縣入海徐州浸者周禮職

方氏無徐州地理志作青州夏書曰濰潞其道者禹貢

青州文木書無濰字濰地理志引作維顏注維水出琅邪

箕屋


山

濰

水出琅邪靈門壺山東北入濰從水晉聲

五乎切

水出琅邪靈門壺山者地理志琅邪郡靈門縣壺山治水  
所出水經注濰水云濰水出濰山世謂之巨平山也地理  
志曰靈門縣有高梁山壺山治水所出今是山西接濰山  
許慎說文言水出靈門壺山世謂之濰汶矣三齊記昔者  
堰濰水濰田數萬頃今尚有餘堰而稍田畔陰存焉寰宇  
記按郡國縣道記靈門在今縣西南六十里當沂水縣東  
北一百里有巨平山在縣北濰水側近其山一名濰山濰  
水源出此山東北入濰者地理志濰水東北入濰水經  
注濰水東北流而注於濰水寰宇記濰水東北至密州北  
流入濰湖渭曰濰水世謂之濰汶濰合東汶入濰故有此  
名



水出琅邪朱虛東泰山東入濰從水文磬系欽說汶

水出泰山萊蕪西南入沛

切運

述征記泰山郡水皆名汶有北汶羸汶柴汶牟汶皆源別流  
同詩地理攷董氏日出萊蕪者今須城之汶是也出朱虛  
者今濰之東南有大汶小汶是也魯氏曰汶水有二出萊蕪  
縣原山入濰者徐州之汶也出朱虛泰山北又東北入濰者  
重尚移義書

青州之汶也

水出琅邪朱虛東泰山者也地理志琅邪郡朱虛縣東泰山汶水所出東至安邱入維沾地志朱虛故城在青州臨朐縣東周禮職方青州其山鎮曰沂山靈宇記云即東泰山也齊乘臨朐縣沂山即公玉帶諸漢武所封之東泰山也

酸案此為東汶吳語遵汶之上韋注汶齊水名是也沂山在今沂州府沂水縣北一百十里唐為東鎮今山無汶源

水經汶水出朱虛縣泰山酈注伏琛晏謨並言水出縣東南崑山在朱虛縣東

縣西又東北入於濰縣注故夏后氏之斟灌國也其城東

北則兩川交會也寰宇記濰州北海縣汶水在縣東南六

十里源出沂水縣小泰山入縣界合濰水入海桑欽說

汶水出泰山桑欽者地理志泰山郡汶水出萊蕪西人濟

又萊蕪縣下云禹貢汶水出西南人沛桑欽所云又浮于

汶顏注汶水出泰山郡萊蕪縣原山水經注沛水云李欽

曰汶水出泰山萊蕪縣西南人濟酸案李欽當為桑欽郡

同志泰出郡萊蕪有原山清水出注云杜預曰汶水出水

經汶水出泰山萊蕪縣原山酈注汶出平縣故城西南阜

下俗謂之胡廬堆平縣古平國俗謂是水為平汶也括地

水出

東萊曲城陽邱山南入海從水台聲

直之

水出東萊曲城陽邱山者玉篇作陽曲山地理志東萊郡曲城縣陽邱山治水所出南入海者地理志治水南至

志淄州淄川縣東南七十里原山元和志乾封縣汶水源出縣東北原山西有流經縣理南去縣三里僖元年左傳公賜季友汶陽之田杜注汶水出泰山萊蕪縣西入濟後漢章帝紀宗祀五帝於汶上明堂注云汶水出太山朱虛縣萊蕪山從征記汶水出萊蕪西南流通典汶水出今魯郡萊蕪縣界西南入沛者禹貢浮于汶達于濟又導沇水云又東北會于汶傳云沛與汶合許敬宗對高宗曰沇濟自溫入河伏地南出為滎澤又伏而出曹濮之閒汶水從人之故書又言浮汶達濟水經沛水又東北過壽張縣西界安民亭南汶水從東北來注之淮南地形訓汶出弗其流合於濟高誘云弗其山在北海朱虛縣東水經注云余按誘說是乃東汶非經所謂入濟者也蓋其誤證耳春秋釋例汶水出泰山萊蕪縣西南經濟北至東平須昌縣入濟寰宇記萊蕪縣汶水出此邑即閔子騫所謂則吾必在汶上矣是也西南流入沛詩地理攷引曹氏曰汶在齊南魯北閔子在汶上者欲北如齊也

沂人海

水

水出魏郡武安東北入呼沱從水曼聲變籀文復字

子煬切

廣韻浸下云審上同出

字林馥案漢書作審

水出魏郡武安者玉篇浸水出武安縣東東北入呼沱

者地理志魏郡武安審水東北至東昌人序沱河周禮職

方氏并州其川序池元和志繁時縣本漢舊縣屬雁門郡

秦戲山一名武夫山在縣東南九十里序沱水出焉

聲者宋本作變籀

文復字者宋本作復

水

水出趙國襄國之西山東北入澮從水禺聲

曉俱切

水出趙國襄國之西山者之字衍寰宇記邯鄲縣秦

以爲信都縣項羽更名襄國漢因不改澮水一名澮水俗

謂之百泉河源出縣東南平地以其導源總納衆泉合成

一川故也又云百泉河在州東南八里水自平地而出其

泉無數故曰百泉是澧河之上源也又沙河縣本漢襄國縣地沙河卽潏水也潏水在縣西北七十一里俗名沙河  
水郡國志牛缺遇盜於沙潏之間玉篇潏水出襄國縣東今作虞  
東北至任入潏渠水卽潏水

潏

水出趙國襄國東入潏從水虎聲

息移切

水出趙國襄國東入潏者地理志趙國襄國馮水東至朝平入潏馮水卽潏水不知何以譌爲馮

潏

水在常山中邱逢山東入潏從水者啓爾雅曰小州

曰潏章與切

水在常山中邱逢山者地理志常山郡中邱逢山長谷諸水所出諸卽潏東入潏者地理志諸水東至張邑人濁濁常爲潏爾雅曰小州曰潏者釋水文彼作潏釋文云潏字又作潏李巡曰四方有水獨高可處故曰潏釋邱如潏者潏邱郭云水中洲爲潏本書如潏者潏邱水中高者也聲類潏或作潏釋邱又云澤中有邱都邱馥案鄭注檀

引云南方謂都為清釋名小洲曰清清遮也體高能遮水  
 使從勿回也廣雅清處也馥案州居也孫炎注九河覆鬴  
 云水中多清往往而有可居之處狀如覆釜之形詩召南  
 江有清傳云清小洲也水岐成清文十年左傳王在清宮  
 注云小洲曰清齊語渠弭於有清卓注水中可居者曰清  
 中山經南望瑯琊清高注水中小洲名清漢書司馬相如傳  
 且齊東階鉅海蘇林曰小洲曰隋顏注東有大海之隋字  
 與清同也吳都賦洲清憑隆五臣云小洲曰清馥案潯陽  
 記有鵲清即杜預所云廬  
 江舒縣東南鵲尾洲也



水出常山石邑井陘東南入於泚從水交聲郝國有

汶縣 下交切

水出常山石邑井陘者徐鍇本作井陵山錯曰漢書石邑  
 縣西有井陵山汶水所出今或作井陘誤也馥案地理志  
 常山郡井陘縣應劭曰井陘山在南音刊又石邑縣井陘  
 山在西汶水所出寰宇記石邑縣水一名童水東南入  
 於泚者於字衍地理志汶水東南至屢陶入泚郝國有  
 汶縣者地理志沛郡汶縣注云汶水所出南入淮馥案此

別是一水

濟

水出常山房子贊皇山東入泚從水角聲

子禮切

春秋說題辭濟齊也齊度也直也

風俗通濟者齊也齊其度量也

水出常山房子贊皇山者地理志常山郡房子縣贊皇山

所出郡國志常山國房子贊皇山濟水所出晏氏

類要贊皇縣本漢鄆縣之地有贊皇山元和志贊皇縣贊

皇山在縣東南二十六里穆天子傳至房子登贊皇山是

也濟水源出贊皇山西北流去縣南十里北山經敦與之

山槐水出焉而東流注於泚澤寰宇記贊皇縣槐水隋圖

經云槐水出贊皇山一日泚水亦曰濟水東入泚者地

理志濟水東至慶陶入泚風俗通謂入沮或稱泚為沮

泚

水在常山從水氏聲

直尼切

水在常山者有闕文地理志常山郡元氏縣泚水首受中

邱西山竈泉谷東至堂陽入黃河北山經敦與之山泚水

出於其陰而東流注於彭水注云今泚水出中邱縣西竈

泉谷東注於堂陽縣入於漳水馱案隋書地理志房子有

卷之二十一 水部 一 車 齊 彥 裴 書



彭水元和志趙州臨城縣漢屬常山郡敦與山在縣西南  
七十里泚水所出漢書張耳韓信擊破趙井陘斬陳餘泚  
水上吳質在元城與魏太  
子箋重以泚水漸漬疆宇

涿

水出涿郡故安東入漆涑從水需聲

人朱切

水出涿郡故安者廣韻濡水名出涿郡乃官切地理志涿  
郡故安縣閭鄉易水所出東至范陽入濡也水亦至范陽  
入涑顏注言易水又至范陽入涑也濡音乃官反復案顏  
注易水乃濡水之訛謂濡水亦至范陽入涑也水經濡水  
從塞外來東南過海陽縣西南入於海昭七年左傳盟于  
濡上注云濡水出高陽縣東北至河閒鄭縣入易水水經  
注易水云其水又東南流歷故安縣北而南注濡水濡水  
又東南流於容城縣西北大利亭東南合易水而注巨馬  
水也故地理志曰故安縣閭鄉易水所出至范陽入濡水  
關闕亦言是矣又注巨馬水云地理志曰涑水東南至容  
城入於河河即濡水也又注濡水云汙水西北入難河濡  
難聲相近北俗語謠耳寰宇記易縣本漢故安縣濡水源  
出縣西北窮獨山南谷馥案或稱望女水通鑑元嘉九年  
秋七月魏主至濡水注音乃官反濡水即涑水廣輿記涑

河在永平府又云永平府樂州商孤竹國漢海陽縣馥棠  
水經注玄水又西南逕孤竹城北西入濡水通鑑開元二  
年薛訥繫契丹行至溧水山峽中為伏兵所敗即濡水也  
東入漆涑者漆涑當為涑渠水經注易水云濡水合渠  
許慎曰濡水入涑涑渠二號即五馬之異名又注  
五馬水云即涑水也又云五馬河亦曰渠水也

**田土**

**水出右北平浚靡東南入庚從水壘聲**

力軌切

水出右北平浚靡者徐鍇本作浚靡南王篇水出浚靡縣  
南水經注鮑邱水云庚水又西南流溧水注之水出右北  
平浚靡縣王莽之俊麻也東南流世謂之車希水又東南  
流謂之北黃水又屈而為南黃水魏書道武帝西幸馬邑  
觀溧源通鑑魏主珪規度溧南將建新都注云自溧水南  
抵夏屋山皆溧南地也東南入庚者當云東入庚以南  
字屬浚靡下地理志右北平郡浚靡縣溧水南至無終東  
入庚又無終縣溧水西至雍奴入海顏注溧音庚即所云  
入庚者同一水也馥棠志云溧水入庚顏謂溧庚同也水  
經注溧水又西南入於庚水庚水世亦謂之為柳水也

**沽**

**水出漁陽塞外東入海從水古聲**

古胡切

水出漁陽塞外者地理志漁陽郡漁陽縣沽水出塞外東南至泉州入海水經沽河從塞外來南過漁陽狐奴縣北西南與濕餘水合為潞河酈注沽河出禦夷鎮西北九十里丹花嶺下寰宇記潞縣漢屬漁陽郡潞河一名沽河一名鮑邱水水經注鮑邱水入潞通得潞河之稱矣東入海者水經沽水與沽河合東入於海



水出遼東番汗塞外西南入海從水貝聲

音蓋切

水出遼東番汗塞外者汗當為汗顏師古注漢志音寒西南入海者地理志遼東郡番汗縣沛水出塞外西南入海



水出樂浪鏤方東入海從水貝聲一曰出貝水縣

音拜切

水出樂浪鏤方者應劭曰樂浪故朝鮮國也朝鮮傳復修遼東故塞至浪水為界顏注浪水在樂浪水經浪水出樂浪鏤方縣隋書來護兒傳遼東之役率樓船指滄海入自浪水唐書李勣為浪江道大總管一曰出貝水縣者地

理志樂浪郡沮水縣水西至增池入海水經注云許慎云沮水出錢方一日出沮水縣十三州志曰沮水縣在樂浪東北錢方縣在郡東蓋出其縣南逕錢方也東入海者水經沮水東南過臨沮縣東入于海

寒

北方水也從水裏聲

戶乖切

北方水也者北山經欽法之山嶺澤之水出焉而東北流注於秦澤

鴈

水出鴈門陰館壘頭山東入海或曰治水也從水壘

聲力追切

水出鴈門陰館壘頭山者水經灤水出鴈門陰館縣至漁陽雍奴縣西入笥溝鄜注笥溝灤水之別名也水經清河云南過漁陽狐奴縣北西南與濕餘水合為潞河又東南至雍奴縣西為笥溝鄜注灤水人房俗謂之合口也寰宇記代州鴈門縣本漢廣武縣地屬太原郡後漢屬鴈門郡壘頭山在縣西北六十里即句注陁西北二十五里山也後漢書王霸傳可從溫水溝注云水經注曰溫餘水出山谷居庸關東又東過軍都縣南又東過薊縣北益道以運

見之界之卷之六 三 車為多長等

清也酸案溫餘水即水經之濕餘水濕當為濕餘水即  
 濕故誤為濕又誤為濕地理志上谷郡軍都縣溫餘水即  
 水經濕餘水出上谷居庸關東者也霸所清者溫水非溫  
 餘水注引溫餘水誤也溫水即濕水東入海者地理志  
 濕水東至泉州入海或曰治水也者地理志鴈門郡陰  
 館縣鰲頭山治水所出水經注濕水出於鰲頭山一日治  
 水胡渭曰漢志代郡平舒縣有祁夷水北至桑乾入治  
 即濕水亦名桑乾河治或通作台漢書燕刺王旦傳使人  
 祠葭水台水晉灼曰  
 地理志台水在鴈門



水出北地直路西東入洛從水盧聲

側加切

水出北地直路西者經典借沮字地理志北地郡直路縣  
 沮水出東西入洛馥案水經注引作出西東入洛水經沮  
 水出北地直路縣東過馬翊殿翊縣北東入於洛鄴注濁  
 水與沮水合分為二水一水東南出即濁水也至白渠與  
 澤泉合俗謂之漆水又謂之為漆沮水入於渭水其一水  
 東出即沮水也寰宇記耀州華原縣沮水自邠州入縣界  
 合漆水入富平石川河東入洛者水經注沮  
 水逕粟邑縣故城北又東北流注於洛水也

水

水起鴈門梭人戍夫山東北入海從水瓜聲

古胡切

水起鴈門梭人戍夫山者地理志梭人屬太原郡魏志武帝紀將征烏桓鑿渠自呼沱入派水名平虜渠馥案司馬懿征公孫淵至饒陽鑿滹沱入派水以運糧通鑑慕容麟追長孫肥至派水注云派水在中山馥案水經注滹水云唐水出中山城言城中有山故曰中山也輿地志盧奴城北臨滹水面派河馥案水經注滹水云漢高祖立中山郡魏皇始二年厥中山立安州天興三年改曰定州治水南盧奴縣之故城東北入海者水經沽河云沽河與清河合東入於海清河者派河尾也

水

水起北地靈邱東入河從水寇聲滹水卽漚夷水并

州川也

苦候切

水出北地靈邱者靈邱不屬北地地理志代郡靈邱縣滹河東至文安入大河過郡五行九百四十里并州川水經滹水出代郡靈邱縣高氏山寰宇記定州安喜縣滹水亦名唐河在縣北八里西北自唐縣界流入隋圖經云唐河

說文解字義登

卷三十四

七

連筠簪叢書

卽澆馥案水經注澆水又東逕左人城南城在唐縣西北  
亦或謂之爲唐水也又東恆水從西來注之卽禹貢所謂  
恆衛旣從也唐書賈敦頤傳瀛州瀕滹沱澆二水歲溢溫  
壞室廬漫漈數百里馥案水經注澆水歷安國縣東分爲  
二水一水枝分流入滹沱東入河者北山經高是之山  
澆水出焉東流注於河郭注澆水過博陵縣南又東北入  
於易水水經注澆水至長城注於易水馥案酈注易水云  
逕鄆縣故城北東至文安縣與滹沱河合是以班固闕駟  
之徒咸以斯水謂之南易馥謂澆所入卽南易長城在今  
文安縣界澆水卽漚夷水并州川也者周禮職方氏并  
州其川庠池漚夷注云漚夷祁夷與出平舒胡渭曰按漢  
志代郡平舒縣有祁夷水北至桑乾入治卽灤水亦名  
桑乾河漢桑乾縣故城在今山西大同府蔚州西北平舒  
則州屬廣靈縣也縣南有壺流河卽古祁夷水源出縣西  
東北流至蔚州入桑乾河不經曲陽縣界鄭說非是水經  
注云澆水卽漚夷之水也元和志靈邱縣本漢舊縣屬代  
郡漚夷水一名澆水出縣西北高是山周禮曰并州其川  
漚夷謂此也錢君大昕曰地理志川曰庠池漚夷注漚夷  
出平舒按師古之注本於酈氏周禮注蓋以祁夷當漚夷  
也然孟堅實以澆水爲漚夷故於代郡靈邱縣云澆河東

至文安入大河并州川而於平舒之祁夷水不云并州川是班與鄭異也顏注宗鄭却失孟堅之旨

涑

水起北地廣昌東入河從水來聲并州浸

洛哀切

水起北地廣昌者廣昌不屬北地地理志代郡廣昌縣涑水東南至容城入河過郡三行五百里并州篇通典涑水在今安邊郡飛狐縣界元和志涑水縣涑水一名巨馬河在東北二里袁紹崔巨業攻固安不下公孫瓚賊之於涑水滅者六七千人即此水也東入河者玉篇涑水出代郡東南入河并州浸者周禮職方氏正北曰并州其浸涑易注云涑出廣昌

涑

水出北地郁郅北蠻中從水尼聲

奴低切

水出北地郁郅北蠻中者地理志北地郡郁郅縣泥水出蠻夷中又泥陽縣應劭曰泥水出郁郅北蠻中晉地道記泥水出郁郅北蠻中史記酈商傳蘇翹軍於泥陽正義泥谷水源出羅川縣東北泥陽源側有泉於泥中潛流二十餘步而流入泥谷竄字記坊州中部縣泥水水經云泥水出翟道縣泥谷今按圖經泥谷水在縣西北五十里源自



栲栳谷來通鑑後  
秦主苻軍於泥源

𣶒

西河美稷係東北水從水南聲

乃威切

西河美稷係東北水者初印本無北字水經注河水云河  
水又左得蒲水口水出西河郡美稷縣東南流羌人因水  
以氏之漢冲帝時羌蒲孤奴歸化蓋其渠帥也其水俗亦  
謂之爲邁波水東流入於河文選潘岳關中詩虛晶蒲德  
李善注蒲羌號也說文曰蒲水出  
西河美稷縣故羌人因水爲姓

𣶒

水出西河中陽北沙南入河從水焉聲

乙乾切

水出西河中陽北沙者水經汾水云又南過大陵縣東鄜  
注汾水於縣左池爲鄜澤廣雅曰水自汾出爲汾陂其陂  
東西四里南北十餘里陂南接鄜地理志曰九澤在北并  
州藪也呂氏春秋謂之大陸又名之曰滹漢之澤俗謂之  
鄜城泊許慎說文曰滹水出西河中陽縣北沙南入河卽  
此水也 焉聲者焉當爲烏鄜注所謂鄜澤也廣韻滹水  
滹集韻滹水名篆譌從焉音隨形變讀乙乾切實應讀安  
古切鄜引本書原作滹後人據誤本說文改爲滹 南入

河者中陽潁河故滂入河也

淫

河津也狂西河西從水坐聲

上禾切

漣

水也從水旗聲

以諸切

洄

過水中也從水旬聲

相倫切

過水中也者集韻引作過水經注陰溝水云過水受沙水於扶溝縣爾雅曰過為洄呂忱曰洄過水也九域志金州洄陽縣有洄水

滄

水出北隰山入邠澤從水倉聲

始夜切

水出北隰山者廣韻引文字音義滄水出北隰山也入邠澤者徐鍇本作邠澤北山經北嶽之山滄水出焉而東流注於邠澤穰案滄水亦云注邠澤

沕

水也從水刃聲

乃見切

水也者集韻引有出上黨三字 刃聲者廣韻切式羊切音商水名畿謂當從升轉寫譌從刃音隨形變矣

𣶒

水也從水直聲

𣶒力切

水也者集韻引同 又云一日出潁川

𣶒

水也從水妾聲

𣶒接切

𣶒

水也從水居聲

𣶒魚切

𣶒

水也從水𣶒聲

𣶒其莫切

𣶒

水也從水尤聲

𣶒羽求切

水也者廣韻沈水名在高密

𣶒

水也從水困聲

𣶒苦頓切

困聲者初印本作困音其真切宋本小字本李燾本並同集韻測伊真切說文水名

𣶒

水也從水果聲

古火切

𣶑

水也從水貨聲讀若瑣

鯀果切

𣶒

水也從水龙聲

莫江切

水也者澆或作瀧水在梁鄒縣水經注謂卽古之袁水

𣶓

水也從水乳聲

乃后切

𣶔

水也從水矣聲矣古文終

職戎切

水也者廣韻作𣶔云水名在襄陽

𣶕

淺水也從水百聲

匹白切

玉篇作𣶕

淺水也者當爲淺水兒本書狷密嚴讀之若淺洎廣韻洎水淺兒顏氏家訓嘗游趙州見栢人城北有一小水土人

說文解字義登

卷三十四

三

連筠籀叢書

亦不知名後讀城西徐整碑云泊流東指眾皆不識吾按說文泊淺水兒兒古貌字也此水漢來無名矣直以淺貌日之或當卽以泊爲名乎

汙

水也從水千聲

倉先切

水也從水叵聲詩曰江有源

詳里切

詩曰江有源者徐鍇本作一日詩江有源廣韻引同

解

勃解海之別名也從水解聲一說解卽解谷也

胡買切

勃解海之別名也者初印本作郭解海之別也無名字宋本集韻類篇竝同別者猶江別爲沱本書郭郭海地梁張騫詠躍魚詩何川游冥潮且躍天淵池漢書音義勃解海別枝名也齊都賦注海旁曰勃斷水曰潮或作渤渤于華子琅邪之東渤解指天非一水之鍾也子虛賦浮渤解五臣云渤解海分支水名陳書徐陵傳嘗渤解而俱深周書武帝紀守贖陳者悟渤解之澄澄漢書揚雄傳作勃解又作勃海戰國策蘇秦說齊曰北有勃海齊都賦海旁出爲

勃勃海亦曰薄海薄卽勃之轉史記索隱曰崔浩云勃  
旁跌也旁跌出者橫在齊北應劭曰海之橫出者曰勃史  
記天官書中國山川東北流其維首在隴蜀尾沒於勃局  
漢書天文志作勃海地理志勃南通齊趙勃之閒顏注勃  
邱東南流入勃海地理志勃南通齊趙勃之閒顏注勃  
勃海也又勃海郡顏注在勃海之濱因以爲名又稱勃海  
列子殷湯篇箕畚運於渤海之尾初學記按東海之別有  
渤海出說文故東海其稱渤海禹貢又北播爲九河同爲  
逆河人于海傳云同合爲一大河名爲逆河而入於渤海  
史記河渠書同爲逆河入於渤海溝洫志同王粲爲荀彧  
與孫權檄云昨令將帥戰士就渤海七入百里演習舟楫  
魏志張郃從擊袁譚於渤海圖經渤海實滄州之地屬趙  
分居多竅宇記幽州薊縣渤海隅皆郡界胡注通鑑楊  
僕從齊浮渤海以討朝鮮云僕浮渤海蓋自青萊以北幽  
平以南皆濱於海其海通謂之渤海非指渤海郡而言也  
齊乘海岱惟青州謂東北跨海西南距岱跨小海也本名  
渤海亦謂之渤海海別枝名也北自平州賜厠南至登州  
沙門島是謂渤海之口闊五百里西入直沽幾千里焉又  
稱少海韓非子齊景公與晏子游於少海登栢寢之臺又  
稱北海僖四年左傳楚子使於齊侯曰君處北海又謂之

碑海齊語渠強於有渚卑注渠強碑海是也列子曰勃海

之中有大壑名曰歸墟歸墟者尾閭也閭若瞀目按齊都

賦云海旁出為渤今海自山東登州成山折而西徑寧海

州福山蓬萊招遠縣又西徑萊州掖縣昌邑離縣又西徑

青州壽光樂安諸城縣其界折而西北徑濟南利津霑化

海豐縣又北徑直隸河間鹽山滄州靜海縣東界又北至

天津衛折而東徑順天寶坻豐潤縣又東徑永平灤州樂

亭盧龍昌黎縣又東出山海關徑遼東寧遠廣寧衛南界

折而南徑海蓋復金四衛西界又折而東徑金州南界有

旅順口南與登州海口相對皆謂之渤海歷覽太史公書

如河渠書同為逆河入於渤海謂之平海之渤海也其碑

書因曰陰主祠三山五曰陽主祠之眾六曰月主祠之衆

山皆在齊北並渤海謂之登萊兩府之渤海也蘇秦列傳說

齊宣王未嘗倍泰山絕清河涉渤海張守節正義曰渤海

滄州也則指天津衛之海言朝鮮列傳遣樓船將軍楊僕

從齊浮渤海至王險王險城名非海之在遼東而何皆渤

海也奈何有臣瓚者徒知漢以渤海名郡遂狹視渤海謂

禹貢河入海乃在碣石武帝元光三年河移徙東郡更注

渤海禹時不注也若以太史公增禹貢原文一渤字為誤

禹貢夾右鴈石入于河則河入海乃在鴈石武帝元光三年河從從東郡更注渤海禹時不注也今按武帝紀元光三年春河水徙從頓邱東南句流入渤海用此四字以足上句文勢非河先不入勃海至元光徙流而始入勃海也尋瓚之意蓋以禹貢九河同為逆河自鴈石入於海故云禹時不注而不知漢人所謂勃海者其北一半即逆河之故道也河豈能越勃海而至鴈石哉總之勃海甚廣占漢遼西右北平勃海千乘北海東萊六郡之境跨古冀兗青三州之界自禹時以迄唐宋河之所入皆勃海也濟漯滹淄之所入亦勃海也一說解即解谷也者本書解水衡官谷也玉篇解亦作懈吳都賦說竹云稍雲無以喻懈谷弗能連李善注懈谷崑崙北谷也漢書律歷志黃帝使洽綸自大夏之西昆侖之陰取竹之解谷生其竅厚均者斷兩節閉而吹之以為黃鐘之宮孟康曰解谷一說昆侖之北谷名也

𡿨

北方流沙也一曰清也從水莫聲

慕各切

北方流沙也者李善注雪賦朔漠飛沙引本書同釋名北方沙漠平廣淮南時則訓雁北鄉高云將至北漠中也易



靈石楊氏

林沙漠北塞純無水泉地理志張掖郡居延縣居延澤在

東北古文以爲流沙胡渭曰沙漠自西而東且迤北居延

澤雖非禹貢之流沙亦卽此沙漠之地李陵歌經萬里兮

度沙漠注云匈奴沙漠地劉歆宗廟議單于遠通漠北鹽

鐵論處沙漠之中生不食之地盧諶贈崔溫詩北眺沙漠

垂鮑昭舞鶴賦賦憐霜鴈之違漠五臣云謂鴈背沙漠以就

溫也成公綏嘯賦又似鴻雁之將離羣鳴號乎沙漠又鴻

鴈賦賓弱水之陰岸兮有沙漠之絕渚魏書雍州地無山

有沙漠流水新唐書狄仁傑傳東距滄海西隔流沙北橫

大漠南阻五嶺天所以限中外也通鑑柔然追敕勒至西

漠注云西漠者大漠之西偏也又云自陰山以北皆大漠

有白漠黑漠斥漠或作幕字漢書武帝紀衛青將六將軍

絕幕顏注幕者今之突厥中曠耳應劭曰幕匈奴之南界

臣瓚曰沙土曰幕程大昌北邊備對幕者漠也言沙曠廣

莫望之漠漠然也一日清也者釋言文樊光曰漠然清

見李善注勵志詩引本書作寂也又引作無爲也楚詞遠

游漠虛靜以恬愉兮又云野車漠其無人鵬鳥賦真人恬

漠兮五臣云至真之人其性靜漠或借莫字昭二十八年

左傳引詩莫其德音說云德

正應和曰莫杜注莫然清靜

天

天池也以納百川者從水每聲

呼改切

廣雅海晦也釋名海晦也主承潑濁其水黑如晦也尚書考靈曜海之言晦昏無所睹也五經異義古尚書說六宗云海為澤宗易林海為水宗聰明且聖

天池也者初學記海一云天池莊子逍遙遊南溟者天池也又云窮髮之北有溟海者天池也史記曰者傳地不滿東南以海為池者書天文志九坎闕十星曰天池一曰天海以納百川者者玉篇海大也受百川萬谷流入禹貢江漢朝宗于海傳云百川以海為宗老子滄海所以能為百谷王者以其下之月令章句受眾流注曰海鄉飲酒義洗之在阼其水在洗東祖天地之左海也注云海水之委也淮南記論訓百川異源皆歸於海易林水流趨下遂成東海吳都賦百川派別歸海而會傳元詩百川皆赴海又釋法篇浩浩大海百川歸之

大

也从水專聲

滂古切

大也者詩北山溥天之下傳云溥大又車攻東有甫草韓作圖薛君云圃博也有博大之茂草也中庸溥溥淵泉

𣶒

水大至也從水聞聲

乙威切

水大至也者徐鍇韻譜王篇廣韻竝作大水至

𣶒

澤水也從水其聲

戶工切

澤水也者本書州下云昔堯遭洪水民居水中高土書堯典湯湯洪水方割傳云洪大孟子澤水者洪水也趙注洪大也又云昔者禹抑洪水而天下平史記河渠書作鴻水

𣶒

水不遵道一曰下也從水夆聲

戶工切又下江切

水不遵道者廣韻澤水流不遵道水經注河水云不遵其道曰降書堯典湯湯洪水方割蕩蕩懷山襄陵浩浩滔天傳云言水奔突有所滌除包山上陵盛大若浸天孟子水逆行謂之澤水又云書曰澤水警余趙注水逆行洛洞無涯故曰澤水又云洪水橫流汎濫於天下一曰下也者本書降下也大禹謨降水儆予傳云水性流下故曰下水

𣶒

水朝宗于海也從水從行

以淺切

水朝宗于海也者徐鍇本作水朝宗于海兒也廣雅衍達也梁書高祖諱衍字叔達易需于沙衍在中也虞云衍流也從水從行者字統

滄

水朝宗于海從水朝聲

直遙切

水朝宗于海者淳朝聲相近御覽引作朝也禹貢江漢朝宗于海鄭注江漢合為一共赴海猶諸侯之同心尊天子而朝事之周禮大宗伯以賓禮親邦國春見曰朝夏見曰宗鄭注朝猶朝也欲其來之早也宗尊也欲其尊王也馮案言水赴海亦如諸侯之見天子也詩西彼流水朝宗于海箋云水流而入海小就大也尚書大傳大水小水東流歸海也荀子宥坐篇孔子觀於東流之水曰夫水其萬折也必東李尤盟津銘洋洋河水朝宗於海徐幹齊都賦川瀆則洪河洋洋發源崑崙九流分逝北朝滄淵

渾

水脈行地中渙渙然從水黃聲

弋刃切

水脈行地中渙渙然者初印木然作也字本書至水脈也從川在下一地也廣韻渙引水也江賦潛渙之所汨涵

或通作演周語夫水土演而民用也韋注水土氣通為演  
演猶潤也演則生物民得用也說苑夫水土演而民用足  
也土無所演民乏財用蜀都賦  
演以潛沫劉注水潛行曰演

𣶒

水漫漫大兒從水𣶒聲

上刀切

水漫漫大兒者徐鍇本作水漫天兒韻譜消水漫天韻案  
堯典浩浩滔天傳云浩浩盛大若漫天詩四月滔滔江漢  
傳云滔滔大水貌漢書石奮傳  
閒者河水滔陸晉灼曰滔漫也

𣶒

小流也從水𣶒聲爾雅曰汝為𣶒

古玄切

小流也者一切經音義十二引字林水小流涓涓然也六  
韜涓涓不塞將為江河荀子法行篇涓涓源水不塞不塞  
後漢書丁鴻傳夫壞崖敗巖之水源自涓涓陶潛歸去來  
辭泉涓涓而始流潘岳射雉賦泉涓涓而吐濡爾雅曰  
汝為涓者釋水汝為瀆又云汝有瀆馥  
案為瀆之瀆因有瀆而誤也當作涓

𣶒

豐流也從水昆聲

胡本切

豐流也者廣雅混混流也孟子源泉混混漢書司馬相如傳汨乎混流顏注混流豐流也郭璞水泉韻林出同歸混混東會集韻混與滾同杜甫詩不盡長江滾滾來

漾水漾濬也從水象聲讀若蕩

徒朗切

水漾濬也者李善注西京賦引字林同廣韻漾水大之貌澶混濬水貌王篇濬濬濬無涯際也集韻濬濬漾水貌廣雅濬濬濬濬流也淮南覽冥訓濬水不泄濬濬極望漢明帝詔濬濬濬濬莫測圻岸吳志薛綜傳加又洪流混濬有成山之難吳都賦瀕濬濬濬海賦沖濬濬濬修張良廟教濬流濬濬詩維水泱泱傳云泱泱深廣貌韻謂泱即濬讀若蕩者王篇濬今作蕩廣雅濬濬濬濬也書堯典蕩蕩懷山襄陵

滂順流也一曰水名從水旁聲

侯苗切

水相入也從水從內內亦聲

而銳切

水相入也者水經注引字林同玉篇廣韻竝引作水相入兒史記五帝本紀正義引作水涯曰滂五音集韻滂小水

入大水也郭注方言淮納云納水口也書堯典釐降二女于媯汭水經注河水云歷山有舜井媯汭二水出焉南曰媯水北曰汭水尚書所謂釐降二女于媯汭也孔安國曰居媯水之內皇甫謐曰納二女于媯水之汭馬季長曰水所出曰汭然則汭似非水名而今見有二水異源同歸渾流西注入於河故謂異源同歸即水相入也引馬注水所出當作水所入禹貢雍州涇屬渭汭馬注屬入也水所入曰汭又至于龍門西河會于渭汭閭若璩曰禹貢渭汭與洛汭之汭同一解蓋河之南洛之北其兩閭為汭也在今鞏縣河自北來渭自東注實交會於今華陰縣故曰渭汭汭字解有作水北者有作水之隈曲者有作水曲流者有作水中州者總不若說文汭水相入也於此處為確解左氏一書莊四年曰漢汭閭二年曰渭汭宣八年曰滑汭昭元年曰雒汭四年曰夏汭五年曰羅汭二十四年曰豫章之汭二十七年曰沙汭定四年曰淮汭哀十五年曰桐汭水名下繫以汭者眾矣又何疑於禹貢哉詩谷風涇以渭濁湜湜其汭傳云涇渭相入而清濁異昭四年左傳楚沈尹射奔命於夏汭杜云夏汭漢水曲入江今夏口也昭二十七年傳令尹子常以舟師及沙汭而還水經注渠水云沙水東流注於淮謂之沙汭又注河水云洛水于鞏縣東

逕洛汭北對琅邪渚入於河謂之洛口矣  
傳館於雒汭卽此是也又水經注渭水云左傳閔公二年  
號公敗大戎於渭隊服虔曰隊謂汭也王肅云汭入也  
內亦替者當爲內聲書禹貢渭汭正義引鄭云汭之言內  
也堯典媯汭釋文汭水之內也莊四年左傳漢汭杜注汭  
內也閔二年傳渭汭正義汭字以內爲聲明是水之隈曲  
之內也

**灋**

淡清也從水肅聲

子叔切

淡清也者李善注思元賦引字林  
同玉篇灋水深清也廣雅灋清也

**渙**

長流也一曰水名從水寅聲

以淺切

長流也者廣韻渙水長流貌釋名渙延也言蔓延而廣  
也海賦東演析木一曰水名者集韻演音引水名

**渙**

流散也從水奐聲

呼貫切

流散也者易風行水上渙正義渙者散釋之象詩訪諸繼  
猶判渙傳云渙散也老子渙兮若冰之將釋郭璞水泉譜



川瀆綺錯  
澳瀾流帶

湲

俠流也從水必聲

兵媚切

俠流也者李善注魏都賦引作水駛流也廣韻泌水淡流  
釋言淡徹也江賦長波淡渌注云淡渌水湧漚也詩衡門  
泌之洋洋正義云泌者泉水涓流不已乃至廣大也或借  
泌字廣雅泌流也詩邶風泌彼泉水木書曉下引詩作泌  
魏都賦泉泌湧而自  
涇李善云泌與泌同

湲

水流聲從水昏聲

古活切

水流聲者詩顧人北流活活傳  
云活活流也長笛賦用活潏潏

湲

湲或從睪

水流湲湲也從水皆聲一曰湲湲寒也詩曰風雨湲

湲

古諧切

水流沿沿也者詩鼓鐘淮水沿沿詩曰風雨沿沿者鄭風風雨文彼作淒淒廣韻沿風雨不止淒俗作淒玉篇淒寒也邶風淒其以風嚴氏詩  
猶謂淒從久故寒臆說也

沿沿沿流也從水立聲上黨有沿氏縣胡畎切

沿流也者徐鍇本作沿沿流水後漢書張衡傳水沿沿而涌濤注云沿沿並水流貌上黨有沿氏縣者見地理志

寰宇記澤州高平縣本漢沿氏縣屬上黨郡

沿沿水流兒從水彪省聲詩曰沿池北流皮彪切

水流兒者流經典作流廣雅流流也詩曰流池北流者小雅白華文傳云流流貌初印本作流沱

疾疾疾流也從水或聲于通切

疾流也者本書或水流也六書故引作水流疾或感也淮南本經訓淌游瀾減高注皆文畫擬象水勢之兒南都賦湔湔減減江  
賦湔湔減減

劉

流清兒從水劉聲詩曰瀏其清矣

力久切

流清兒者廣韻瀏水清詩曰瀏其清矣者鄭風溱洧文傳云瀏深貌馥案言深清也

濺

礙流也從水濺聲詩曰施罟濺濺

呼括切

礙流也者韓詩濺濺流貌廣雅洩洩流也洩謂洩即濺詩泮水鑿聲噦噦木書引作鉞鉞詩曰施罟濺濺者衛風

顧人文彼作施罟濺濺馥謂此引詩後人加之本書濺讀若詩施罟濺濺本書無濺字當作詩曰施罟濺濺後人加

讀若二字釋文引馬融說云濺大魚網曰大濺也與本書濺空太也義合是詩作濺濺不作濺濺明矣

沛

沛也從水沛聲

音郎切

沛也者玉篇彭字云澎滂滂沛也廣雅滂滂沛沛流也楚辭九歎波逢洄滂滂沛今吳都賦包湯谷之滂沛

淫

深廣也從水淫聲一曰淫沱也

烏光切

深廣也者玉篇汪水深廣也廣韻亦有水字後漢書黃憲傳汪汪若千頃陂淮南佩真訓汪然平靜一曰淫沱也

者一切經音義四通俗文亭水曰汪池之泥濁者也小爾雅廣器汪池也方言楚謂之汪桓十四年左傳尸諸周氏之汪杜注汪池也僖三十三年傳瑕覆于周氏之汪杜注車傾覆池水中

𣶒

清深也從水𣶒聲

洛蕭切

清深也者玉篇𣶒浩𣶒清水廣雅𣶒清也莊子天地篇𣶒乎其清也徐鍇本有讀若牢三字

𣶒

清也從水此聲

干禮切

清也者謝朓始出尚書省詩寒流自清泚李善引本書同廣韻泚水清也

𣶒

寒水也從水兄聲

許訪切

寒水也者佩觿作況云寒冰

𣶒

涌搖也從水中聲讀若動

直弓切

或作𣶒海賦神融沆瀣

汎

浮兒從水凡聲

孚凡切

浮兒者詩二子乘舟汎汎其景傳云如乘舟而無所薄汎汎然迅疾而不礙也史記司馬相如傳羣浮乎其上汎汎汎濫隨風澹淡索隱曰郭璞云皆鳥任風波自縱漂兒廣雅汎汎汎汎浮也詩漆與泊方渙渙兮釋文渙說文作汎汎音父弓反馥案陸氏所見本當有引詩之文父弓反者如風鳳凡皆從凡得聲廣韻汎房戎切集韻符風切

沅

轉流也從水云聲讀若混

王分切

轉流也者釋言沅沅也釋文引說文云沅轉流也一曰沅馥案今闕下三字柳宗元懲咎賦沅湘流之沅沅讀若混者集韻混淪流水轉兒

澆

澆也從水告聲虞書曰洪水浩浩

胡老切

澆也者類篇引作饒也禮記王制用有餘曰浩虞書曰洪水浩浩者堯典湯湯洪水方割蕩蕩懷山襄陵浩浩滔天



水小聲從水齋聲士角切

水小聲者史記司馬相如傳澗澗實墜索隱引本書澗水之小聲也高唐賦巨壑溺溺之澗澗兮

水疾聲從水翕聲許及切

水疾聲者韻會引徐鍇木水流疾聲也集韻澗或作澗上林賦汨澗漂疾

水超涌也從水朕聲徒登切

水超涌也者本書涌騰也玉篇詩曰百川沸騰水上涌也或通作騰史記司馬相如傳橫流逆折轉騰激洌後漢書

勃或傳山東騰沸吳都賦漬薄沸騰五臣注波浪湧起為沸騰也

涌出也一曰水中坻人所為為涌一曰涌水名在京

兆杜陵從水喬聲古穴切

涌出也者本書喬滿有所出也廣韻涌泉出兒李巡注爾雅云水泉從下上出曰涌泉漢書音義涌水聲而非水也

腹案水聲涌出之聲一日水中坻人所為為滴者釋水  
小注曰坻人所為為滴郭云人力所作御覽引舍人云人  
力於水中為居止釋文云按郭圖水中自然可居者為洲  
人亦於水中作洲而小不可止住者名滴水中地也釋  
名人力所為之曰滴滴術也堰使水警衛也魚梁水雕之  
謂也一日滴水名在京兆杜陵者地理志右扶風鄠縣  
鄂水出東南又有滴水皆北過上林苑入渭三輔黃圖滴  
水在杜陵從皇子陂西北流經昆明池入渭水經注渭水  
云狄水上承皇子陂于樊川其地即杜之樊鄉也西北流  
逕杜縣之杜原西又北逕長安城西與昆明池水合又北  
流注渭亦謂是水為滴水也故呂忱曰滴水出杜陵縣史  
記司馬相如傳鄠郿潦滴索隱曰姚氏去滴水出杜陵今  
名次水自南山皇子陂西北流注昆明池人謂顏注漢書  
云地理志鄠縣有滴水在北過上林苑入渭而今之鄠縣則  
無此水許慎云滴水在京兆杜陵此即今所謂沈水從皇  
子陂西北流經昆明池入渭者也蓋為字或作水勿穴與  
尤字相似俗人因名沈水乎將鄠縣滴水今則改名人不  
識也寰宇記雍州萬年縣沈水說文云滴水出杜陵今名  
沈水自南山皇子陂西北流入又云長安縣潛水即沈水  
也東自萬年縣界流入亦謂滴水亦謂高都水漢末王氏

竟之降年更登  
卷三十一  
重刊多農等



五侯大修池沼引高都水入城卽此水

灋

水涌光也從水從光光亦聲詩曰有洗有瀼

古黃切

水涌光也者徐鍇韻譜洗水湧玉篇洗水兒集韻洗與混同水深廣貌江賦瀼瀼罔沚從光光亦聲者當云光聲

詩曰有洗有瀼者邶風谷風文傳云洗洗武也此本爾雅非本書義

灋

水涌流也從水皮聲

博禾切

灋水涌流也者釋水大波爲灋小波爲淪直波爲徑

灋

江水大波謂之灋從水雲聲

王分切

灋江水大波謂之灋者通作灋杜甫詩灋灋逆素浪

灋

大波爲灋從水闌聲

洛干切

大波爲灋者釋水文郭注言灋灋釋文作灋孟子觀水有術必觀其灋注云灋水中大波也海賦灋灋灋汗

漣或從連

釋水河水清且漣漪釋文云李依詩作漣釋名風吹水波成文曰漣漣連也波體泛流相連及也詩漸漸之川箋云與衆承涉入水之波漣釋文漣一本作瀾

漣小波為漣從水侖聲詩曰河水清且漣漪一日沒也

力連切

小波為漣者釋水文郭注言漣漣薛君韓詩章句從流而風曰漣釋名水小波曰漣漣倫也小文相次有倫理也長笛賦波瀾鱗漣詩曰河水清且漣漪者魏風伐檀文漪彼作漪傳云小風水成文轉如輪也馥謂漣當為漪語詞也上文漣漪直猶皆釋漣直而不釋漪是也莊子大宗師而已反其真而我猶為人猗一日沒也者廣雅同書微子今殷其漣喪水經注竭后漣沒於洪波

漣浮也從水與聲  
匹消切又匹妙切

浮也者洞蕭賦漂乍奔而為他李善引本書同廣雅  
浮漂也孫子兵勢篇激水之疾至於漂石者勢也

汜也從水孚聲縛牟切

汜也者玉篇水上曰浮禹貢浮于濟澤傳云順流曰浮詩

小雅載沈載浮論語乘桴浮于海穆天子傳天子浮於榮

水越語范蠡遂輕舟而浮於

五湖淮南說山訓百人抗浮

汜也從水監聲一曰濡上及下也詩曰畢沸濫泉一

曰清也盧瞰切

汜也者後漢書班固傳注引作泛也宋祁校漢書敘傳引

字林濫汜濫也家語三怨篇夫江始出於岷山其源可以

濫觴管子地圓篇濫車之水注云其水深渺能汜車楚詞

九辨何汜濫之浮雲兮一曰濡上及下也者集韻引作

濡土濡漬也魯語宣公夏濫於淵淵注云濫漬也詩曰

畢沸濫泉者小雅采芣芣沸檻泉傳云芣沸泉出貌檻泉

正出也初印本作芣沸濫泉宋本作芣沸泉又引詩

畢沸濫泉大雅瞻卬芣沸檻泉箋云檻泉正出涌出也芣

沸出貌涌泉之源所由者深釋水溢泉正出正出涌出也  
釋名水正出曰溢泉溢銜也如人口有所銜口間則見也  
漢書敘傳懷汎溢而測深乎重淵應劭曰側出曰汎泉正  
出曰溢泉 一日清也者郭泰別傳奉高之器譬諸汎溢  
雖清而  
易挹

𣶒

濫也從水已聲

乎梵切

濫也者楚詞卜居將汎汎若水中之  
兒乎漢書賈誼傳汎乎若不繫之舟

𣶒

下深兒從水弘聲

烏宏切

下深兒者一切經音義十七引作下深大也吳都賦汎澄  
翁漆李善引本書亦作下深大也廣雅汎汎深也江賦極  
汎量而  
海運

𣶒

回也從水韋聲

羽非切

回也者本書淵回水也旋回泉也徐鉉本一曰水名廣韻  
淖水名漢書溝洫志關中靈輶成國淖渠注云水出崑谷

元和志武德三年分岐山縣置園  
川縣取漳川水為名近代訛作園

測

深所至也從水則聲

初側切

深所至也者玉篇廣深曰測釋言清深測也郭注測亦水  
深之別名淮南說林訓以篙測江篙終而以水為測惑矣  
班固荅賓戲懷沈  
溢而測深乎重淵

湍

疾瀨也從水湍聲

他嵩切

疾瀨也者許注淮南云湍水疾也廣韻湍急瀨也廣雅湍  
瀨也御覽湍下引益陽縣開羽瀨永嘉郡百簿瀨桂陽夫  
陽兩瀨華嚴經音義湍疾瀨也淺水流於砂上曰湍一切  
經音義四水流沙上曰瀨瀨淺水也楚詞九章長瀨湍流  
沂江潭兮王注湍亦瀨也漢書溝洫志水湍悍顏注急流  
曰湍吳都賦混濤并瀨劉逵注瀨急湍也劉德明南康記  
潑水奔流二百餘里  
橫波嶮瀨二十四處

宗

水聲也從水宗聲

藏宗切

水聲也者沈約詩百丈注懸淙韓愈詩東流水淙淙

激

水礙衰疾波也從水敫聲一曰半遮也

古歷切

水礙衰疾波也者一切經音義十一引作水文礙邪疾急日激也又十四引莊子汙者激司馬彪曰流急曰激孟子激而行之可使在山一曰半遮也者或通作微字書微也史記司馬相如傳微卻受詘索隱曰司馬彪云微遮也

洞

疾流也從水同聲

徒弄切

疾流也者木書駟馳馬洞去也西都賦潰渭洞河李注引本書同酸案水經有洞過水亦謂其流疾也

藩

大波也從水旛聲

孚袁切

大波也者元結引東泉詩此流又高懸瀟瀟在長空

洄

涌也從水何聲

許拱切

通也者上林賦洶洶澎湃吳都賦洶湧洶洶高唐賦洶洶其無聲兮李善云說文曰洶洶洶也謂水波聲兒

洶

滕也從水甬聲一曰涌水在楚國

余隴切

滕也者釋名水上出曰涌泉釋水濫泉正出正出涌出也李巡云水泉從下上出曰涌泉詩瞻卬猗猗沸檻泉箋云檻泉正出涌出也昭五年公羊傳潰泉者何直泉也直泉者何涌泉也呂氏春秋本味篇高原之山其上有涌泉焉論衡狀雷篇泉暴出者曰涌七發波涌而濤起或借騰字詩十月之交百川沸騰後漢馮衍傳風騰波涌一曰涌水在楚國者方言沅涌混幽之語注云涌水今在南郡華容縣也莊十八年左傳閼敖游涌而逸杜云涌水在南郡華容縣水經江水云又東南當華容縣南涌水入焉酈注水自夏水南通於江謂之涌口二水之閒春秋所謂閼敖游涌而逸者也盛引之荆州記江津東十餘里中有夏洲又二十餘里有涌口所謂閼敖游涌而逸寰宇記荆州江陵縣東南五十里有涌水源東行百餘里會於江

潞

潞潞潞也從水拾聲

丑入切

湑湑湑也者本書湑湑湑湑湑兒湑或作湑玉篇上林賦云湑  
湑鼎沸鼎沸謂水微轉細湑也顏注言水之流如鬩鼎沸  
也周成雜字湑湑水沸  
之貌也海賦湑湑湑湑

湑

湑湑湑也從水空聲

哭工切又苦江切

湑

湑水聲也從水勻聲井一有水一無水謂之湑  
切

激水聲也者釋名井一有水一無水曰湑  
水聲勻也井一有水一無水謂之湑  
山經視山有井焉名曰天井夏有水冬竭又超山其陽有  
井冬有水而夏竭玄中記貴州有湑  
刻漏

湑

井一有水一無水謂之湑  
居例

湑

混流聲也從水軍聲一曰湑下兒

戶昆切



說文解字義詁 卷三十四

美

通字彙 靈加楊氏栞

混流聲也者渾混聲相近史記司馬相如傳混乎渾流文選作混流七命溟海渾渾濩濩其後李善引本書渾流聲也玉篇渾水漬涌之聲也 一曰汚下兒者謂渾濁也老子渾兮其若濁

𣶒

水清也從水𣶒聲易曰井冽寒泉食

臣辭切

水清也者李善注長笛賦引作清也廣雅冽清也 易曰井冽寒泉食者井卦文本書初刻無食字後乃補人御覽玉篇風俗通引易並無食字

𣶒

清湛也從水叔聲

殊六切

清湛也者廣雅淑清也

𣶒

水盛也從水容聲

余隄切又音谷

水盛也者甘泉賦溶方皇于西清李汪溶盛貌

𣶒

清也從水徵省聲

直陵切

清也者廣雅方言同後漢書張衡傳激湫忍而為清注云  
激清也又儒林傳贊淵源誰激俗作澄易損卦君子以懲  
忿窒欲釋文鄭云猶清也蜀才作澄賈誼書澄五湖而定  
東海吳志孫靜傳頃連雨水濁兵飲之多腹痛令促具饗  
缶數百口澄水通鑑成都乏  
水取摩訶池泥汁澄而飲

情

脈也激水之兒從水青聲

七情切

脈也者釋名清青也去濁遠穢色如青也文子清之為明  
杯水見眸子濁之言闇河水不見泰山詩大明會朝清明  
正義晚則虛昏且則清故謂朝旦為清明古詩曰清晨登  
隴首是清亦古今之通語也激水之兒者玉篇清澄也  
考工記幌氏淥帛清其灰而益之  
注云清澄也於灰澄而出盪晞之

湜

水清底見也從水是聲詩曰湜湜其止

常職切

水清底見也者詩釋文引作水清見底徐錯韻譜湜水兒  
底玉篇湜水清也廣雅湜清也詩曰湜湜其止者耶風  
谷風文彼作沚箋云湜  
湜持正貌非本書義

𣶒

水流浼浼兒從水閔聲

留切

水流浼浼兒者潤浼聲相近廣韻潤與浼同水流平兒

𣶒

下漉也從水參聲

所禁切

下漉也者徐鍇本漉水下兒繫傳云水下所謂滲漉一切經音義四滲盡也下漏曰滲廣雅漉滲也方言漉極也注云滲漉極盡也淮南主術訓不潤澤而漁高注潤澤漉池也史記司馬相如傳滋液滲漉通鑑到彥之自淮入泗水滲日行纔十里注云說文水下漉為滲漉或作盪考工記甗氏清其灰而盪之

𣶒

不流濁也從水圉聲

羽非切

不流濁也者廣韻潤水不流濁兒

𣶒

亂也一曰水濁兒從水圉聲

胡困切

亂也者字林同玉篇楚辭云世潤濁而不分兮潤亂也易噬嗑注不潤乃明釋文潤雜也亂也秦策書策稠濁高云

濁亂也通作渾漢書劉向傳賢者有渾濁者老子渾兮其若濁風賦散淵鬱邑李注散淵煩濁之貌

渾

濁也從水肅聲一曰河泥一曰水出兒

古忽切

濁也者法言吾子篇書惡淫辭之濁法度也注云通濁也

一曰河泥者本書河多汙也廣韻濁泥廣雅河汙也

楚辭漁父何不泥其泥而揚其波一曰水出兒者史記

樗里子傳滑稽多智正義云滑稽讀為濁水流自出言其智

計宜吐如泉

流出無盡

回

回泉也從水旋省聲

似沿切

回泉也者一切經音義十八引作洞淵也廣韻旋洞旋釋

水過辨回川郭注旋流李善注江賦引淮南子注九旋之

淵至深荀子臣道篇水深則回注云回旋流也水深不滿

峻則多旋流也華嚴經音義三蒼腹深也謂河海中洞旋

之處

是也

深

深也從水崔聲詩曰有灌者淵

七罪切

說文解字義證卷三十四

美

靈石楊氏聚

詩曰有渰者淵者小雅  
小弁文傳云渰深也

淵

回水也從水淵象形左右岸也中象水兒

鳥玄切

回水也者木書叟從又在回下回古文回淵水也華嚴  
經晉義水洞曰淵禹貢東匯澤為彭蠡鄉注匯回也漢與  
江關轉東成其澤矣考工記匠人欲為淵則句於矩注云  
大曲則流轉流轉則其下成淵魯語宣公夏濫於淵淵管  
子度地篇出地而不流者命曰淵水列子黃帝篇鯢桓之  
潘為淵止水之潘為淵流水之潘為淵濫水之潘為淵沃  
水之潘為淵汎水之潘為淵雍水之潘為淵汙水之潘為  
淵肥水之潘為淵殷敬順釋文潘本作蟠蟠淵流也張協  
雜詩回淵可比心陸機漢高帝功臣頌大畧淵回史記仲  
尼弟子列傳顏回字子淵急就篇積回池顏注回池猶顏  
回字子淵之義也南齊書褚淵  
字彥回陶氏家傳陶回字公淵

淵

淵或省水

或省水者後人亂之九經字樣淵古文淵本書肅從丰在  
淵上前云從水淵此云或省水先有淵字正文而後有省

體豈淵之從淵正文反從省體邪斯不然矣前象形云云卽解此字川左右岸也昔中象水兒也

川

古文從口水

古文從口水者當作（一）水舊刻李燾本篆作（二）

滿

滿也從水爾聲

奴禮切

滿也者玉篇作滿深也盛也詩新臺河水瀰瀰傳云瀰瀰盛貌釋文云說文云水滿也馥案俗言美滿蓋瀰滿訛也

搖

水搖也從水詹聲

徒濫切

水搖也者李善注高唐賦琴賦引同又注東京賦引作水搖貌也玉篇瀾水動兒史記天官書水瀾澤竭漢書司馬相如傳汎汎瀾瀾隨風瀾淡與波搖瀾奄薄水階又難蜀父老文瀾沈瀾災蘇林曰言分其沈瀾搖動之災也七發瀾流遡波又瀾淡之李善注瀾淡搖瀾之貌也東都賦西瀾河源東瀾海瀾魏武帝樂府水何瀾瀾

深

深也從水尋聲

徐林切

旁深也者江淹雜體詩秋榮冒水潯李善引本書潯深也又注江賦引許注淮南云潯水涯也又注七發引字林潯水涯也廣韻旁深水涯二義兼收

𡿨

谷也從水平聲

符兵切

𡿨

水兒從水出聲讀若窟

竹律切又口兀切

水兒者玉篇出小出兒廣韻同倉韻篇出通兒文子通原篇原流湫湫沖而不盈讀若窟者廣韻湫苦骨切漚池

𡿨

水至也從水薦聲讀若尊

又莊甸切

水至也者徐鍇本作水至兒易坎卦水洊至唐石經作潯讀若尊者集韻潯徂昆切

𡿨

土得水沮也從水𡿨聲讀若藟

竹隻切

上得水沮也者集韻潯水土和也月令地氣沮泄是謂發天地之房

滿

盈溢也從水滿聲

莫旱切

盈溢也者木書盈滿器也溢器滿也廣韻滿盈也廣雅滿充也書大禹謨不自滿假傳云滿謂盈實

利

利也從水骨聲

戶八切

利也者周禮倉醫調以滑甘疏云滑者通利往來考工記軸有三理三者以爲利也注云利滑密也內則滑濇以滑

之注云齊人謂滑曰濇

來

不滑也從水齋聲

色立切

不滑也者木書澀不滑也一切經音義七滑古文澀今作澀不滑也東方朔別傳新雨生枝滑枯枝澀故鵲立枯枝

上後漢書周磐傳壽神養和不以榮利滑其生術

澤

光潤也從水睪聲

丈伯切

光潤也者廣韻潤潤澤也徐鉉繫傳引山海經潤澤而有光釋名下而有水曰澤言潤澤也易潤之以風雨虞云潤



澤也書畢命澤潤生民考工記弓人瘠牛之角無澤注云少潤氣少儀澤劒首注云金器弄之易以汗澤正義云澤謂光澤玩弄劒首則生光澤聘義溫潤而澤襄二十八年左傳獻車於季武子美澤可以鑑倍三十一公羊傳河海潤于千里注云潤澤及于千里定元年穀梁傳毛澤未盡注云言秋百穀之潤澤未盡也孟子若夫潤澤之又君子之澤趙注澤者滋潤之澤文子水之道也上天則為雨露下地則為潤澤子華子水函太一之中精故能潤澤百物而行乎地中說苑潤澤草木崔瓊七依加以脂粉潤以滋澤春秋經傳集解序若江海之浸膏澤之潤姚規注易云澤則流潤意林引鬼谷子天生草木以雨潤澤之蔡邕女訓澤髮則思其心之潤也博物志酒泉延壽縣有山出泉著器中如凝膏然極明謂為石澤學師宋恩等題名張澤字君潤三國典畧王潤字子澤會稽先賢傳關澤字德潤

淫

淫淫隨理也從水至聲一曰久雨為淫

余箴切

浸淫隨理也者徐鍇曰隨其脈理而浸漬也釋名淫浸也浸淫旁入之言也廣韻浸淫也列子因復指河曲之淫

限書無逸則其無淫于觀于逸于遊于田鄭注淫者侵淫  
不止周禮小宰去其淫怠注云淫放濫也考工記匠人爲  
溝洫善防者水淫之注云淫讀爲淫液之淫帛氏凍帛淫  
之以蜃曲禮毋淫視正義謂流移也樂記聲淫及商又云  
咏歎之淫佚之莊二十二年左傳君子曰酒以成禮不繼  
以淫義也以君成禮弗納於淫仁也襄二十八年傳歲在  
星紀而淫於元枵昭元年傳淫生六疾陰淫寒疾陽淫熱  
疾風淫末疾雨淫腹疾晦淫惑疾明淫心疾詩賓之初筵  
序云沈湎淫液韓子神不淫放則身全史記孝武本紀侵  
尋於泰山矣索隱侵尋卽浸淫也小顏云浸淫漸染之義  
蓋尋淫聲相近假借用巨漢書司馬相如傳浸淫促節上  
林賦封疆畫界者非爲守禦所以禁淫也郭璞曰欲以杜  
絕淫放耳長門賦神怳怳而外淫論衡自紀篇淫讀古文  
論語浸潤之諧鄭注諧人之言如水之浸潤漸以成之離  
騷謠諷謂余以善淫陳啟源曰古之言淫者多矣於星言  
淫於雨言淫於水言淫於刑言淫於遊觀田獵言淫皆言  
過其常度耳樂之五音十二律長短高下皆有節焉鄭聲  
靡曼幼渺無中正和平之致使聞之者導欲增悲沈溺而  
忘反故曰淫也一日久雨爲淫者月令注雨沓降注云  
淫霖也雨三日以上爲霖莊十一年左傳天作淫雨害於

秦盛字或作霍淮南  
修務訓禹沐浴淫雨

灋

漬也從水戠聲爾雅曰泉一見一否為灋

子廉切

漬也者字林廣雅並同通俗文漬謂之灋淝曲禮四足曰  
漬注云漬謂相灋汙而灰春秋莊十七年齊人灋于遂公  
羊云灋者何灋積也釋文云積本又作漬樊毅復華下民  
租田口算狀仍雨甘雪灋潤宿麥或借漸字考工記注漚  
漸也詩氓漸車帷裳史記貨殖傳漸漬於失教漢書郊祀  
志漸臺高二十餘丈顏注漸浸也三輔黃圖灋臺在太液  
池中灋浸也言為池水所浸也董仲舒傳漸民以仁是錯  
傳丈五之溝漸車之水顏注漸讀曰灋謂浸也爾雅曰  
泉一見一否為灋者釋水文郭注  
灋纔有貌廣韻灋泉水出微兒

灋

水所蕩洗也從水失聲

夷質切

水所蕩洗也者蕩當為潒釋名水洗出所為澤曰掌水停  
處如手掌中也今兗州人謂澤曰掌也禹貢潒為潒鄭本  
潒作  
洗

滲

漏也從水翳聲

胡對切

漏也者徐鉉本有亦決也三字字林潰旁決也漢書文帝紀大水潰出顏注旁決曰潰後漢書班固傳潰渭河注引蒼頡篇曰潰旁決也文三年左傳沈潰凡民逃其上曰潰杜云潰眾散流移若積水之潰自壞之象也

沍

水不利也從水彡聲五行傳曰若其沍作

郢計切

水不利也者五音集韻引作水不和也莊子陰陽之氣有沍釋道安諫苻堅曰東南卑濕沍氣易構五行傳曰若其沍作者漢書孔光傳引洪範五行傳六沍之作頗注沍惡氣也音戾谷永傳傳曰六沍作見若不共御六罰既浸六極其下顏注此洪範之傳也沍災氣也五行志雖金沍本服虔曰沍害也如淳曰沍音戾之戾義亦同尚書大傳維金沍木注云沍殄也凡六氣相傷謂之沍王觀國曰沍者相違之義也五行之性相違而不相為用則災禍由之以生古之論五行者有六沍謂金沍木也木沍金也水沍火也火沍水也金木水火土沍天也六沍之作皆緣五事之不修故五行為之相違而沍焉

淺

不深也從水戔聲

七衍切

不深也者詩匏有苦葉深則厲淺則揭

涒

水暫益且止未減也從水寺聲

直里切

水暫益且止未減也者益當為溢謂水少少溢出即止未減損也

涒

少減也一曰水門又水出邱前謂之涒邱從水省聲

息并切

少減也者木書娵減也釋名省蓄也約少之言也鄉飲酒義拜至獻酬辭讓之節繁及介省矣注云小減曰省僖二十一年左傳貶會省用史記集解序焮恨官畧漢書李廣傳莫府省文書注云省省少也又水出邱前謂之涒邱者釋邱水出其前涒邱

泥

泥也從水帛聲

奴教切

泥也者字林濡甚曰淖蒼頡篇淖深沉也通俗文和泥曰淖廣雅淖淖也成十六年左傳有淖於前杜注淖泥也漢書韋元成傳天雨淖不駕駟馬車而騎至廟門顏注淖泥也

𣶒

小溼也從水翠聲

遵誅切

小溼也者小當為下玉篇澤下溼也廣韻同本書隰阪下溼也

𣶒

溼暑也從水𣶒聲

而蜀切

溼暑也者廣韻溼暑溼熱廣雅溼溼也月令季夏之月土潤溽暑江賦林無不溽

𣶒

黑土在水中從水從土曰𣶒

奴結切

黑土在水中者也者論語釋文引同玉篇溼水中黑土廣雅溼黑也論語不曰白乎溼而不縮孔安國曰溼可以染皁者言至白者染之溼而不黑山海經孟門之山其下多黃堊泥石淮南說山訓流言雪汗營病以溼拭素也高云溼黑也史記屈原傳觸然泥而不滓索隱曰泥音涅日啓者聲不相近五經文字云從土從𣶒從土從𣶒案本書隰從𣶒省

說文解字義證

卷三十四

𣶒

連筠籒叢書

五結切疑  
惺亦從星



益也從水茲聲一曰滋水出牛飲山白陘谷東入呼

汭子之切

益也者昭三年左傳庶民罷敝而宮室滋侈二十六年傳  
吾茲不從也杜注益云茲益也定三年傳邾子怒命執之  
弗得茲怒茲聲者茲當為器本書器艸木多益一曰  
滋水出牛飲山白陘谷者地理志常山郡南行唐牛飲山  
白陘谷滋水所出趙一清曰漢志白陘谷說文作白陘谷  
谷本漢書誤也寔字記無極縣資河從嶺州九門縣東北  
界入無極界東南入滹沱河兩岸高阜無堤說文云出牛  
飲山白陘谷腹案滋資聲近東入呼沱者北山經高是  
之山滋水出焉而南流注於虜沱寔字記  
引水經滋水又東至新市縣入滹沱河



青黑色從水召聲

乎骨切

廣韻作淄 集韻云隸作淄 書益稷  
在治忽史記作來始滑骨卽圖之譌

青黑色者廣韻引作青黑兒集韻漬去色曰沼  
呂氏春秋水之性清土者濁之高云捫濁也



淫也從水邑聲

切於及

淫也者玉篇淫淫潤也廣雅淫淫也釋名淫淫也詩厭淫  
行露傳云厭淫淫意也漢書司馬相如傳踰波趨淫郭璞  
曰淫窳陷也齊民要術收  
子傳布陰乾勿令淫鬱



水散厠也從水從少沙見楚東有沙水

所加切

水散厠也者詩鳧鷖正義引作水中散厠也覆謂如散木  
之散文子水之性欲清沙厠穢之楚東有沙水者水經  
注渠水云新溝又東北流逕牛首鄉北謂之牛建城又東  
北注渠卽沙水也晉蔡許慎正作沙音言水散厠也從水  
少水少沙見矣楚東有沙水謂此水也昭二十七年左傳  
令尹子常以舟師及沙汭而還注云沙水名土地名沙汭  
楚東地



譚長說沙或從小

也子結切



易需卦需于沙釋文沙鄭作沚馥案沚卽此  
沙形誤水經注云音蔡蔡當爲察察少聲近

**瀨** 水流沙上也從水賴聲 洛帶切

水流沙上也者李善注月賦引同華嚴經音義引作淺水  
流沙上也一切經音義四說文水流沙上曰瀨瀨淺水也  
字林瀨水流行沙上也水淺流曰瀨也漢書司馬相如傳北  
揭石瀨顏注石而淺流曰瀨魏都賦石瀨湯湯五臣云石  
瀨有石而淺流史記南越傳爲戈船下屬將軍徐廣曰瀨  
一作瀨應劭曰瀨水流沙上也論衡書虛篇瀨溪谷之深流  
者安詳淺多沙石激揚爲瀨又狀畱篇瀨瀨之流沙石轉  
而大石不移景福殿賦瀨瀨排沙以積邱元  
淺水潺湲又山居賦瀨瀨排沙以積邱元  
和志建德縣七里瀨在縣東北十里

**潁** 水厓也從水賁聲詩曰敦彼淮潁 符分切

水厓也者釋水汝爲潁本書涓下引作汝爲涓括地志汝  
水至豫州鄆城縣名潁經典作潁周禮大司徒辨其山林  
川澤邱陵墳衍原隰之名物注云水厓曰潁廣雅潁厓也  
釋地墳莫大於河墳郭云墳大防李巡曰墳謂厓岸狀如

墳墓名大防也詩遵彼汝墳傳云墳大防也楚詞九章登大墳以遠望兮注云水中高者為墳詩云遵彼汝墳後漢書百官志司空浚溝洫修墳防之事馥案本書墳大防也諸書借墳為墳李巡謂狀如墳墓失之胡渭曰詩汝墳傳曰汝水名墳大防也箋以為汝水之側淮墳傳云墳涯也箋以為淮水大防毛鄭彼此互異正義遂謂墳從水墳從土故其義有別而實不然爾雅釋邱墳大防康成注大司徒墳衍云水涯曰墳鄭道元以濇為水側之墳是知墳與墳字別而義同其互異者乃所以濇為水側之墳耳詩曰穀彼淮墳者大雅常武文彼作鋪敦淮墳傳云墳涯馥案汝墳正義引此作墳涯後漢書馮緄傳敷敦淮墳注云水涯曰墳

水涯

水涯也從水矣聲周書曰王出涘

水吏切

水涯也者本書無涯字類篇引作涯小字木徐鍇韻譜並作涯釋邱涘為涯郭云謂水邊馥案本書過行垂涯也詩葛藟在河之涘兼葭在水之涘大明在渭之涘傳拉云涘厓也倍元年公羊傳自南涘何注涘水涯莊子秋水篇兩涘渚崖之間釋文云涘涯也江賦憐杞楨植於潯涘五臣注潯涘皆岸也或借汜字幽通賦半疆大於南汜曹大家

說文解字義證

卷三十四

豎

連筠修叢書

日汜涯也閒居賦或禊於汜五臣云汜水岸也周書曰  
王出涘者太誓逸篇文彼云太子發升舟中流白魚入於  
王舟王跪取出涘以燎鄭注涘  
涯也王出於岸上燔魚以祭

泮

水厓也從水午聲

呼古切

水厓也者經典作泮廣韻泮水岸釋邱岸上泮郭注岸上  
地釋水泮為泮又泮水厓郭注水邊地邢疏謂水邊厓岸  
之地詩葛藟在河之泮傳云水厓曰泮絲率西水泮傳云  
泮水厓也趙注孟子泮水厓也江漢江漢之泮箋云泮水  
涯也後漢書馮衍傳秣吾馬  
於潁泮注引字林泮水涯也

泮

水厓枯土也從水九聲爾雅曰水醮曰泮

居府切

水厓枯土也者廣韻同爾雅曰水醮曰泮者釋水文彼  
作泮釋文云泮字又作泮馥案釋水泮泉穴出穴出仄出  
也泮泮二訓與本書互異釋名側出曰泮泉泮軌也流狹  
而長如車軌也詩大東有冽泮泉傳云側出曰泮泉列子  
黃帝篇泮泉之潘為淵注云泮音軌水泉從旁  
出也應劭注漢書側出曰泮泉此皆與爾雅同

水厓

水厓也從水厓聲詩曰賓河之厓

常倫切

水厓也者許注淮南同本書阪水阜也廣雅厓厓也釋邱夷上灑下曰厓郭云厓上平坦而下水深者為厓孫炎云平上陷下故名曰厓詩葛藟在河之厓傳云厓水厓也正義云厓是山岸厓是水岸故曰水厓後漢書班固傳東厓海厓注云厓水厓詩曰賓河之厓今傳云厓厓也伐檀文彼作賓之河之厓

浦

浦也從水甫聲

潏古切

浦也者詩釋文藝文類聚白帖並引作水浦也徐鍇本同本書傾水厓人所賓附玉篇水源枝注江海邊曰浦廣雅浦厓也詩常武率彼淮浦傳云浦厓也楚詞望涔陽兮極浦呂氏春秋召類篇堯戰於丹水之浦注云浦岸也一日崖也漢書司馬相如傳行乎洲淤之浦顏注浦水厓也地理志臨淮郡淮浦縣應劭曰浦厓也風土記大水有小口別通曰浦江夏記南浦在縣南三里離騷曰送美人兮南浦以其在縣之南故稱南浦述異記上虞縣有魚馳步吳中有瓜步步江中有魚步湘中有靈妃步按吳楚謂浦為步步蓋語訛耳馥案廬江箏笛浦亦稱步

泚

小渚曰泚從水止聲詩曰于沼于泚

諸市切

小渚曰泚者釋水文彼作階釋邱木出其右正邱釋名作泚邱釋名小渚曰泚泚止也小可以止息其上也詩蒹葭宛在水中有渚猶平地之有邱也谷風湜湜其泚箋云小渚水中之有渚猶平地之有邱也毛杜注泚小渚也楚詞九日泚隱三年左傳淵谿沼泚之毛杜注泚小渚也楚詞九懷淹低側兮京泚注云水中可居為洲小洲為渚小渚為泚或借詩字穆天子傳以飲於枝詩之中郭注水岐成詩詩小渚也音止詩曰于沼于泚者召南采芣文傳云泚也渚也

沸

畢沸濫泉從水弗聲

分勿切又方未切

畢沸濫泉者宋本及類篇並作澤徐鉉本濫下引詩亦作澤詩采菽簋沸檻泉傳云簋沸泉出貌檻泉正出也瞻卽簋沸檻泉箋云檻泉正出涌出也簋沸出貌釋水濫泉正出正出涌出也釋名水正出曰濫泉濫衍也如人口有所街口閤則見也詩十月之交百川沸騰傳云沸出隋書地理志襄陵郡梁縣有濫泉元和志緯水一名沸泉水出絳

山東谷懸流奔壑一十許丈異苑白容縣延陵季子廟前井恆自涌沸故曰沸井或借弗字漢書司馬相如傳渾弗定汨頤注渾弗盛兒也



小水入大水曰灇從水從眾詩曰鳧鷖在灇

祖紅切

小水人

大水曰灇者廣韻灇水會也

從眾者徐錯本作眾聲詩曰鳧鷖在灇者大雅鳧鷖文傳云灇水會也



別水也從水從仄仄亦聲

匹賣切

別水也者當為水別也本書辰水之哀流別也廣韻派分流也吳都賦百川派別五臣注引字說水別流為派廣雅水自汾出為派



水別復入水也一曰汜窮瀆也從水已聲詩曰江有

汜

詳里切

水別復入水也者徐錯本作水別復入也韻會同釋水決復入為汜郭注水出去復還釋名水決復入為汜汜已也

說文解字義證

卷三十四

七

連筠移叢書

如出有所為畢已而還入也水經注濟水云河水東北出於定陶縣北屈左合汜水汜水西分濟水東北逕濟陰郡南爾雅曰濟別為濫呂忱曰水決復入為汜廣異名也汜水又東合於詩瀆昔漢祖既定天下即帝位於定陶汜水之陽張晏曰汜水在濟陰界取其汜愛引大而潤下也汜水之名於是乎在矣稷案汜愛是讀為孚梵切與釋名賢顯炎武曰開封之汜水左傳本音凡從已而今呼為濫汜之汜音祀以字形之似而訛也一日汜寤續也者瀆當為贗本書贗通溝也古文作續釋邱縣郭注水無所通者容齋續筆本絕於已故汜字之訓說文以為窮贗詩曰江有汜者召南江有汜文傳云決復入為汜本書瀆下引詩江有汜漢書敘傳半疆大於南汜顏注汜江水之別也荊州記江津東十餘里有夏洲洲之首江之汜也故屈原云經夏首而西浮

汜

汜辟深水處也從水癸聲

求癸切

汜辟深水處也者徐鍇本作流水錯韻譜作流川釋水溪關流川郭注通流玉篇汜關流泉廣韻汜泉水通川

寧

榮寧也從水寧聲

乃定切

榮渾也者七命何異促鱗之游汀渾李善引本書渾絕小水也此引榮字訓爲之或作漏滌漢書揚雄傳梁弱水之濕深兮顏注濕深小水之兒也

濕深兮顏注濕

深小水之兒也

絕戶局切小木也從水癸省聲

切 属

絕小水也者李善注甘泉賦引字林同韓詩外傳榮澤之水無吞舟之魚字或作澄集韻澄絕小水也

土土 深池也從水圭聲

於瓜切又

深池也者方言注沔也自關而東或曰注莊子齊物論似注者注訓深

清水也。一曰窰也。從水窰聲。

一穎切又

清水也者一切經音義七引作小木也馥謂清當爲積集韻澤灌也玉篇灌牛蹄積水也一曰窰也者一切經音義引字林音隱云灌或作窰一瓜反廣雅灌下也老子注則盈范應元注當作窰凹也汙下也地之窰下者水趨之

盈必



漢

積水池從水黃聲

平光切

積水池者集韻引作積水也增韻同一切經音義十七說文漢久積水池也太曰潢小曰沔沔濁水也又十一云潢池也積水曰潢也小曰沔大曰潢方言沔澆澗注沔也注云皆沔池也荆州呼潢也隱三年左傳潢汙行潦之水杜注潢汙沔水漢書敘傳應龍潛於潢汙顏注潢汙沔水也後漢書杜篤傳彼垵井之潢汙注云潢汙沔水也孫子行軍篇軍旁有險阻潢井注云潢者池也文選海賦決陂潢而相波字或作涅夏小正涅潦生萃傳云涅下處也有涅然後有潦

沔

池水從水召聲

之少切

池水者一切經音義二十三引作小池也廣韻沼池沼音頡解詁沼池也廣雅沼池也風俗通孫子有金城湯池之說後人因此問地為池以養魚鼈曰池曲曰沼詩采芣于沼于沔正月魚在于沼傳並云沼池也禮運龜龍在宮沼注云沼池也隱三年左傳淵谿沼沔之毛杜注沼池也孟子王立於沼上趙注沼池也



大陂也從水胡聲揚州浸有五湖浸川澤所仰以灌

溉也

戶吳切

大陂也者廣雅湖池也風俗通義謹按傳曰陂者繁也言  
因下鍾水以繁利萬物也今陂皆以灌漑續漢書郭泰謂  
黃叔度汪注若萬頃陂揚州浸有五湖者莊子逍遙游  
大浸稽天周禮職方氏東南曰揚州其浸五湖注云五湖  
在吳南鄭注禹四海異物云五湖揚州浸也今屬吳管子  
夏人之王鑿五湖壘子兼愛篇禹治天下南為江漢淮汝  
東流注之五湖吳語伍子胥曰與我爭五湖之利者非越  
乎越語興師伐吳至於五湖呂氏春秋禹通三江五湖淮  
南子要略禹剔河而導九岐鑿江而通九路辟五湖而定  
東海賈誼書大禹鑿河而導之九牧鑿江而導之九路澄  
五湖而定東海史記河渠書於吳則通渠三江五湖貨殖  
傳夫吳有三江五湖之利說苑君道篇禹瀉五湖而定東  
海吳地記吳王起臺於姑蘇山太史公云余登姑蘇望五  
湖五湖去此臺二十餘里越絕書越王既往平吳春祭三  
江秋祭五湖馥案世之說五湖者有三一曰五湖各有其  
名也義興記太湖射湖貴湖陽湖洮湖是為五湖吳中志

車防彥義書

五湖謂貢湖游湖胥湖梅梁湖全鼎湖爲五也二曰震澤  
卽太湖也禹貢震澤傳云吳南太湖名正義云五湖卽震  
澤吳錄書云三江旣入震澤底定震澤吳西南太湖也釋  
地吳越之閒有具區郭注今吳縣南太湖卽震澤是也三  
曰太湖爲五湖也程大昌禹貢論太湖一湖而得五湖  
張勃吳錄五湖者太湖之別名以其周行五百餘里故以  
五湖爲名虞翻川漬記太湖東通松江南通雪溪西通荆  
溪北通滬湖東連韭溪凡五道謂之五湖韋昭曰五湖者  
胥湖蠡湖洮湖滬湖就太湖而五實一湖也陸龜蒙曰太  
湖上象咸池五車之氣故一水五名葉少蘊云周官九州  
有澤藪有川有浸揚州澤藪爲具區其浸爲五湖旣以具  
區爲澤藪則震澤卽具區也太湖乃五湖之總名耳胡渭  
云揚州澤藪曰具區其川三江其浸五湖浸卽後世所謂  
湖也澤藪之水淺或盈或縮湖則渟蓄淵深四時不改今  
太湖自包山以西水極淵深卽古之五湖而平望人赤震  
澤之閒水瀰漫而甚淺則古之具區也澤浸之別以此雲  
夢澤方八九百里獨已邱湖常滿而不涸是亦浸也馥謂  
此三說以太湖爲五湖者是浸川澤所卽以灌溉也者  
卽注賦方云浸可以爲陂權溉者地理志卽曰五湖顏注  
浸謂引以灌溉者風俗通曰湖者川澤所卽以灌溉也

澮

水都也從水支聲

章移切

水都也者廣韻汝水都名風俗通水澤所聚謂之都亦曰澮或作豬禹貢大野既豬檀弓涉其宮而豬焉鄭注南方

謂都為豬

澮

十里為成成開廣八尺深八尺謂之澮從水血聲論

語曰盡力乎溝澮

況逼切

十里云云者考工記匠人土地官遂人有夫有澮注云遂溝澮澮皆所以通水襄十年左傳子駟為田澮注云澮用畔溝也襄三十年傳田有封澮注云澮溝也莊子庚桑楚篇夫尋常之溝釋文八尺曰尋倍尋曰常尋常之溝則周禮澮澮之廣深也澮廣深八尺或借澮字詩文王有聲築城伊瀦傳云瀦成溝也箋云方十里曰成瀦其澮也廣深各八尺正義瀦澮音同史記夏本紀致費於溝澮論語曰盡力乎溝澮者包注方里為井井開有溝澮廣深四尺十里為成成開有澮澮廣深八尺也

溝

水瀆廣四尺深四尺從水華聲

古侯切

水瀆者呂氏春秋季春紀導達溝瀆釋名水注谷曰溝田  
開之水亦曰溝溝掛也縱橫相交掛也廣四尺深四尺  
者考工記匠人九夫為井井開廣四尺深四尺謂之  
溝地官遂人十夫有溝注云遂廣深各二尺溝倍之

溝

也從水賣聲一曰邑中溝

徒谷切

溝

水所居從水渠省聲

渠魚切

王篇渠溝渠

史記有河渠書

地理志朔方

郡渠搜菴曰溝搜又北地郡義渠道菴曰義溝  
水所居者渠居聲相近風俗通謹按傳曰渠者水所居也  
秦時韓人鄭國穿渠孝武帝時趙中大夫白公復穿渠故  
其語曰田於何所池陽谷口趙國在前白渠起後舉鍾為  
雲決渠為雨涇水一石其堊數斗且溉且糞長我稷黍衣

倉京師數百萬口又鄭當時穿渠以利漕道若此非一官民俱賴其饒焉

𡿨

谷也從水臨聲讀若林一曰寒也

九尋切

一曰寒也者本書凜寒也臨療聲相近

𡿨

水艸交為淵從水睂聲

武悲切

水艸交為淵者釋水文李巡曰水中有草木交會曰淵釋名水草交曰淵淵睂也臨水如淵臨目也詩兼葭在水之淵傳云淵水隈也字或作埧廣雅埧厓也又借廩字詩巧言居河之廩傳云水草交謂之廩杜注水草之廩十八年左傳余賜女孟諸之廩杜注水草之交曰廩廩宇記廩城孟諸澤俗呼為淵臺

𡿨

溝水行也從水從行

戶庚切

溝水行也者周禮稻人以溝蕩水注云謂以溝行水也從行者當云行聲

𡿨

山夾水也從水閒聲一曰澗水出弘農新安東南入

洛古覽

山夾水也者釋山文廣雅澗閼也釋名山夾水曰澗澗閼也言在兩山之閒也詩考盤在澗又于以采芣于澗之中傳並云山夾水曰澗匡謬正俗詩傳曰山夾水曰澗此引爾雅正文言兩山夾水名之為澗居然可曉而劉周之徒又音夾為煩於義無取亦為專輒易漸卦鴻漸於于釋文詩傳云涯也又澗也荀王肅云山閒澗水也一日澗水出弘農新安者禹貢伊洛澗澗傳云澗出澗池山胡渭曰新安澗池本二縣澗水出新安穀水出澗池流同而源異今乃云澗出澗池山是以穀源為澗源也毛晃禹貢指南按地理志弘農郡澗池縣注穀水出穀陽谷東北至穀城入雒新安縣注禹貢澗水在東南入雒二水異縣各源同入洛則水經謂穀澗通稱未必然也馥案夏本紀伊雒澗入洛索隱澗水出弘農新安縣東與本書合東南入洛者山海經白石之山澗水出其陰北流注於穀地理志新安縣禹貢澗水在東南入洛水經澗水出新安縣白石山東南入於洛括地志澗水源出洛州新安縣東白石山東北與穀水合流經洛州郭內東流入洛也胡渭曰新安無雒漢志云澗人雒要其歸也其實澗東合穀至河南入雒

澳

限厓也其內曰澳其外曰限從水與聲

於六切

限厓也者本書澳水限厓也爾雅釋文澳本或作澳廣雅  
 澳厓也水經注淇水云肥泉博物志謂之澳水詩云瞻彼  
 淇澳毛言澳限也申鑒時事篇若亂之隆於澳也注云澳  
 厓內近水之地或借與字詩瞻彼淇與禮記引作澳其  
 內曰澳其外曰限者徐鍇曰淮南子漁者以其限限曲岸  
 相讓內謂岸內曲限外曲也詩曰淇水之限外為限邢疏云限常  
 限鄭注限內也釋邱限限厓厓內為限外為限邢疏云限常  
 作限傳寫誤也詩公劉芮鞠之即傳云芮水厓也鞠究也  
 箋云芮之言內也水之內曰限水之外曰限正義釋邱云  
 限也厓內為限外為限李巡曰限水之內曰限水之外曰  
 限孫炎云內曲裏也外曲表也是水之內曰限水之外曰  
 限也顧案鄭注賦方引詩作芮流畢君以珣曰說文其外  
 曰限限字誤當作鞠爾正限限厓厓內為限外為限釋文鞠  
 如字居六反字林作坵云限厓外也九六反是爾正原本  
 作鞠無疑說文用爾正成文今作限者後人依爾正譌本  
 改之也徐鍇引詩洵鞠之即則錯本作鞠今作限者後人  
 又依說文譌本改之也顧案玉篇坵居六切涯  
 也水外為坵廣韻坵與阨同曲岸水外曰阨



𣶒

夏有水冬無水曰𣶒從水學省聲讀若學

胡角切

夏有水冬無水曰𣶒者釋山文集韻夏上有山字

𣶒

𣶒或不省

𣶒

水濡而乾也從水鸛聲詩曰鸛其乾矣

呼肝切又它干切

水濡而乾也者濡如濡滯之濡乾如旱乾木溢乾封縣之乾春秋莊九年戰于乾時杜注時水旱則竭涸故曰乾時釋天在申曰涿灘李巡曰灘單盡也字或作潭釋水渾沙出一切經音義十引郭注今江東呼水內沙堆為渾洛陽北河中有中渾池是也五音集韻渾水中沙出通作灘河陽縣南有水渾城詩曰鸛其乾矣者王風中谷有蓀文彼作暎傳云暎於貌釋文暎徐音漢說文云水濡而乾也字作鸛又作灘皆他安反

𣶒

俗鸛從佳

𣶒

魚游水兒從水山聲詩曰烝然汕汕

所晏切

靈石楊氏栞

魚游水兒者廣韻汕魚乘水上詩曰烝然汕汕者小難  
南有嘉魚文傳云汕汕櫟也箋云櫟者今之櫟罟也釋文  
引本書同韻案釋器  
罟謂之汕毛傳本此

# 行流也從水從夔廬江有浚水出於大別山

古穴切

行流也者一切經音義二引作下流也管子君臣下篇使  
之則流塞之則止襄三十一一年左傳不如小決使道孟子  
性猶湍水也決諸東方則東流決諸西方則西流從是  
者徐鍇本作夔聲廬江有浚水者本書朕讀若決水之  
決地理志廬江郡雩婁縣決水北至蓼人淮水經決水出  
廬江雩婁縣南大別山北過其縣東又北過安豐縣東又  
北入於淮婁字記壽州霍邱縣決水在縣南二百五十里  
說文云行流也從水夔聲廬江有浚水出大別山又蘇林  
解地理志云雩婁縣有浚水北至蓼入淮今據在雩婁縣  
城南屈曲至光州固始縣入淮今呼史水即為訛謬也又  
云光州固始縣決水在縣東三里源出霍山縣版石山疏  
入縣界出於大別山者當云雩婁大別山水經注引許  
慎日出雩婁縣書內方至于大別數字記壽  
州六安縣大別山在新縣西南三百七十里

𣶒 漏流也從水絲聲 洛官切

漏流也者集韻引有一曰漬也四字本書𣶒字攴滿也滿當為漏魏策昔王季歷葬於楚山之尾樂水蓄其墓壙其墓壙也墓壙云說文樂漏流也一日漬也墓壙為漏流所漬故曰樂水蓄其墓壙

𣶒 水注也從水雷聲 都歷切

水注也者本書涿流下滴也瀝水下滴瀝靈光殿賦動滴瀝以成響

灌 灌也從水主聲 之戌切

灌也者洞簫賦聲隘隘而注淵李善引本書同一切經音義一引作灌也瀉也廣韻注灌注也詩文王有聲豐水東注

灑 灑灌也從水笑聲 烏鴒切

灑灌也者本書灑灑也經興作沃一切經音義四通俗文既灌曰沃沃亦澆也漬也書說命啟乃心沃朕心正義當

開女心所有以灌沃我心也成六年左傳沃饒而近監服  
注土平有溉曰沃襄二十五年傳井衍沃賈注下平日衍  
有溉曰沃列子黃帝篇沃水之潘為淵注云沃水泉從上  
流下也史記周本紀猶其有原隰衍沃也集解引唐固曰  
有溉  
曰沃

潞

所以攤水也從水昔聲潞律曰及其門洒漑

所責切

所以攤水也者徐鍇本作靡漢書五行志靡河三日不流  
王莽傳作邕廣雅漑漑也漢律曰及其門洒漑者史記  
貨施傳洒漑薄技  
也洒漑即洒漑

漑

埤增水過土人所止者從水筮聲夏書曰過三漑

時制

切

埤增水過土人所止者者水經注清水左右舊有二筮所  
謂南筮北筮者水側之瀆聚楚詞九歌夕濟兮西筮王注  
筮水涯也宣四年左傳師于漳筮杜注漳筮漳水過成十  
五年傳騁而從之則決睢筮杜注筮水涯胡渭曰水過即

焉

通鑑初纂書

厓埤增之士卽大防防大故爲人所止也左傳成十五年  
華元決睢筵睢卽睢水筵則其防也故曰決王逸注西  
云水涯杜預注潭筵云水邊義皆與說文合夏書曰過  
三筵者禹貢文傳云三筵水名入漢鄭注在江夏竟陵縣  
界史記索隱云水經云三筵地名在南郡鄖縣北孔安國  
鄭玄以爲水名今竟陵有三參水俗云是三筵水寔字記  
安州漢川縣漢水源出鄖州長壽縣磨石山東南流名筵  
水至復州景陵縣界名漢水禹貢山水澤地三筵地在南  
郡鄖縣北沱酈注尙書曰導漢水過三筵地說曰沔水東  
行過三筵合沱酈注大別山阪故馬融傳玄王肅孔安國等  
咸以爲三筵水名也許慎言筵者埤增水過土人所止也  
按春秋左傳文公十有六年楚軍次於句筵以伐諸庸宣  
公四年楚令尹子越師於漳筵定公四年左司馬戌敗吳  
師於雍筵昭公二十三年司馬蒍越縕於蘄筵服虔或謂  
之邑又謂之地京相璠杜預亦云水際及水邊地名也今  
南陽清陽二縣之閒消水之濱有南筵北筵矣而諸儒之  
論水陸相半又無山源出處之所津途關路惟鄭玄及劉  
澄之言在竟陵縣界經云卽縣北沱然沱流多矣論者疑  
焉而不能辨其所任

津

水渡也從水𠂔聲

將鄰切

水渡也者古文苑漢津賦注云都道所揆為津說文曰津渡也釋水九河有鬲津郭注水多阨狹可隔以為津而橫渡書秦晉大會于孟津正義津是渡處論語使子路問津焉鄭注津濟渡之處晉語亦為君之東游津梁之上離騷麾蛟龍使梁津兮注云以蛟龍為橋乘之以渡王隱晉書杜豫啟建河橋於富平津續漢志河東大陽縣有茅津北屈縣有采桑津甘氏星經天津九星在虛北河中主津瀆津梁

𠂔

古文津從舟從淮

𠂔

無舟渡河也從水𠂔聲

皮水切

無舟渡河也者玉篇徒涉曰溯經典借馮字釋訓馮河徒涉也李巡曰無舟而渡水曰徒涉釋文馮河依字當作溯易泰卦包荒用馮河正義無舟渡水馮陵於河詩小旻不敢馮河傳云馮陵也徒涉曰馮河論語暴虎馮河孔注馮河徒涉哀九年左傳是謂如川之滿不可游也杜注不可馮游詩百朋六韜作百馮

𢇛

小津也從水橫聲一曰以船渡也

戶孟切

小津也者或借潢字天官書旁有八星絕漢曰天潢一曰以船渡也者玉篇方舟謂之潢潢航也廣韻潢方舟也一曰荊州人呼渡津舫為潢或作潢廣雅潢筏也方言方舟謂之潢郭注揚州人呼渡津舫為杭荊州人呼潢音橫或借杭字詩誰謂河廣一葦杭之傳云杭渡也又借潢字六韻大船一名天潢以濟大水又借杭字廣雅輪謂之杭集韻輪船前杭也

𢇛

編木以渡也從木付聲

芳無切

編木以渡也者集韻付併木以渡廣韻付小木筏也筏下云大曰筏小曰桴乘之渡水方言付謂之桴桴謂之筏筏秦晉之通語也馥案三國志注引郭注方言云付水中桴也桴或作筏後漢書岑彭傳乘桴筏下江關注云桴筏以竹木為之浮於水上鄧訓傳縫革為船置於篁上以渡河注云篁木筏也釋言舫舫也郭注水中桴筏孫炎云方木置水中為舫筏也釋水庶人乘舫郭注併木以渡詩漢廣不可方思傳云方舫也釋文付本亦作桴又作桴或作舫

竝同谷風方之舟之箋云方舟也齊語方舟設舟卓注編  
木曰舟楚詞九章乘汜舟以下流今注云編竹木曰舟楚  
人曰舟秦人曰撥也吳志妃嬪傳宜伐蘆葦以為舟佐船  
渡軍字或作箱廣雅箱後也又作柁管子輕重甲篇築者  
冬不為扛夏不束柁以觀凍溺又作柁一切經音義二柁  
編竹木也大者曰筏小者曰桴江南名簿論語乘桴浮於  
海馬曰編竹木大  
者曰柁小者曰桴

濟

濟也從水度聲

徒故切

濟也者釋言濟渡也詩匏有苦葉濟有深涉或借度字方  
言過度謂之涉濟注云猶今云濟度漢書賈誼傳度江河  
稻匹維

沿

緣水而下也從水台聲春秋傳曰主沿夏

與專切

緣水而下也者沿緣聲相近一切經音義二十二字林從  
水而下曰沿順流也沿亦緣也禹貢沿于江海古文作均  
鄭注均讀曰沿沿順水行也文十年左傳沿漢沂江杜注  
沿順流定四年傳子沿漢而與之上下杜注沿緣也或借



巡字祭義陰陽長短終始相巡注云巡讀如沿漢之沿  
春秋傳曰主沿夏者昭十三年左傳文主當為王杜注順

流為

沿

逆流而上曰湍洄湍向也水欲下違之而上也從水

湍聲

桑故切

逆流而上曰湍洄者釋水文孫炎曰逆渡者逆流也俗作  
湍文十年左傳沿漢湍江杜注湍逆流哀四年傳吳將湍  
江入郢杜注逆流曰湍吳語率師沿海湍淮以絕吳路韋  
注逆流而上曰湍後漢書班固傳湍測其源李注逆流曰  
湍吳都賦湍湍順流五臣注湍逆流上也宋書張興世傳  
乃令輕舸湍湍而上湍向也水欲下違之而上也者向  
當為回一切經音義十九三蒼逆流之水曰湍湍洄也馥  
案違之而上即解回字義回猶違也昭二十六年左傳君  
無違德論衡變

虛篇引作回德

湍

或從是胡

詩兼段遇洞從之傳云逆疏而上曰遇洞 七發篇  
流遇波李注遇波逆流之波也 本書諱或作調恕

洞 滌洞也從水從回 戶灰切

洞 滌洞也者宋書張興世傳舫人  
洞 從回者徐鍇本作回聲

潛行水中也從水永聲 為命切

潛行水中也者釋水潛行為流郭注水底行也列子黃帝  
篇因復指河曲之淫隈曰彼中有珠流可得也注云流潛  
行水中也詩漢之廣矣不可沔思傳云潛行為流谷風沔  
之游之箋云潛行為流晉書謝玄傳小將田泓乃沒水潛  
行

涉 涉水也一曰藏也一曰溲水為潛從水替聲 昨鹽切

涉水也者玉篇潛水中行也廣雅潛沒也宋書胡藩傳全  
鎧入水潛行三十許步方得登岸晏子台少不能游潛行  
逆流百步順流九里 一曰藏也者易文言陽氣潛藏又  
曰潛之為言也隱而未見行而未成書洪範沈潛剛克詩

見之降不為登 卷三十一 連筠移叢書

正月潛雖伏矣 一曰潛水為潛者釋水漢為潛郭注書  
曰沱潛既道音義云有水從漢中沔陽南流至梓潼漢壽  
入大穴中通岷山下西南潛出一名沔水舊俗云即禹貢  
之潛也水經注瀘水云劉澄之云有水從阿陽縣南至梓  
潼漢壽入大穴中暗通岡山郭景純亦言是矣岡山穴小  
本不容水水成大澤而流與漢合又注潛水云潛水蓋漢  
水枝分潛出故受其稱耳今爰有大穴潛水入焉通岡山  
下西南潛出謂之伏水或以為古之潛水鄭玄曰漢別為  
潛其穴本小水積成澤流與漢合大禹自導漢疏通即為  
西漢水也故書曰沱潛既道稷案此注在水經潛水下經  
之潛當為潛鄰氏誤以為禹貢之潛故與經不符而說此  
潛水則了了矣禹貢浮于潛逾于沔鄭注或謂漢為沔史  
記夏本紀沱潛己道集解云漢為沔索隱云沔亦作潛潛  
出漢中安陽縣西北入漢蜀都賦演以潛沫劉注禹貢梁  
州云沱潛既道有水從漢中沔陽縣南流至梓潼漢壽縣  
入穴中通岡山下西南潛出今名複水舊說云禹貢潛水  
也郡國志犍為郡江陽下注云潛從縣南流至漢嘉縣入  
大穴中通剛山下西南潛出庾仲雍云墊江有別江出長  
壽縣即潛水也括地志潛水一名復水今名龍門水源出  
利州縣谷縣東龍門山大石穴下也元和志縣谷縣本漢

葭萌縣地潛水出縣東北龍門山書曰沱潛既道是也又  
云龍門山在利州縣谷縣東北八十二里潛水所出寰宇  
記引梁州記恩嶺山有窟穴高數十丈其狀如門號爲龍  
門輿地紀勝龍門洞在縣谷縣北凡爲洞者三有水白第  
三洞發源貫通兩洞下合嘉陵江此卽潛水也胡渭曰梁  
州之潛一而已漢廣漢郡有葭萌縣蜀改曰漢壽屬梓潼  
郡故郭璞云西南至梓潼漢壽縣入大穴中卽樂史所謂  
三泉故縣南有大寒水西流至龍門山入大石穴者也晉  
改漢壽曰晉壽故庾仲雍云墊江有別江出晉壽卽潛水  
太元中分晉壽置興安縣隋改曰縣谷唐因之故隋志云  
縣谷縣有龍門山元和志云潛水出縣谷縣龍門山明改  
曰廣元縣故近志縣東北有龍門山潛水出焉縣名五變  
其地一也今縣北有龍門洞王象之輿地紀勝曰龍門洞  
在縣谷縣北凡爲洞者三自朝天程入谷十五里有石洞  
及第二第三洞有水自第三洞發源貫通兩洞下合嘉陵  
江渭按此卽禹貢之潛水也然廣元舊志云源出縣北一  
百三十餘里木寨山流經神宣驛又南二十里經龍洞口  
至朝天驛北穿穴而出入嘉陵江與括地元和志不同意  
者木寨山乃水自沔陽來之所經而人誤以爲出歟元和  
志龍門山在縣東北八十里今以舊志所言考之木寨山

異

靈石楊氏棐

南十餘里為神宣驛又南二十里為龍洞口又南二十里為朝天驛去縣八十里怡與龍門之里數相符蓋朝天驛之穴即龍門山之穴也其輿地紀勝所謂白第三洞發源貫通兩洞者即舊志所謂經龍洞口至驛北穿穴而出郭璞所謂入大穴通峒山下西南潛出者也自此以下歷昭化劍州蒼溪閬中南部蓬州南充台州至巴縣入大江禹通謂之潛後人稱為西漢水至唐又稱嘉陵江而潛之名遂晦其水出隴西西縣嶓冢山者自為嘉陵江之發源下流與潛水合而潛水實不出於彼也

淦

水入船中也一曰泥也從水金聲

古暗切

一曰泥也者本書沈濁也諸音借沈字莊子達生篇沈有履注云沈水汙泥也漢書刑法志山川沈斥顏注斥即斥鹵沈即川澤風俗通山澤篇沈澤之無水斥鹵之類也或通作涵廣韻涵水入船

淦

淦或從今

浮

浮也從水乏聲

浮也者漢書郊祀志  
泛泛滇滇從高旂

子

浮行水上也從水從子古或以子為沒

似由切

言拍浮為浮淮南說林訓舟覆乃見善浮經典借游字華  
嚴經音義游浮於水上也列子釋文浮水曰游廣雅浮游  
也爾雅順流而下曰游孫炎曰順渡者順流也書君奭  
若游大川正義游者入水浮渡之名詩蒹葭遡游從之傳  
云順流而涉曰遡游周禮萍氏禁川游者注云徇波洋卒  
至沈溺也祭義舟而不游緇衣故大人不倡游言注云游  
猶浮也莊十八年左傳閭救游而逸杜注游謂水而走  
列子黃帝篇能游者可教也注云浮水曰游文子善游者  
必溺符子惠子曰有一人溺流而下呼施救之施應曰吾  
不善游方將為子告急於東越之王簡其善游者以救子  
可乎韓非說林篇假人於越而救溺子越人雖善游子必  
不生矣淮南地形訓食水者善游能寒高注魚鼈鷺鶩之  
屬齊俗訓游者不能拯溺手足有所急也詮言訓渡水而  
無游數雖強必沈有游數雖贏必遂說林訓游者以足履  
以手拂不得其數愈蹙愈敗及其能游者非手足者矣說

苑今舟中水而運甚始治裝衣而下游乎後漢書馬援傳男兒溺成何傷而拘游哉注云游浮也劉氏新論貴速篇湍波漂人必奔游拯之南州異物志合浦有民善游兒年十餘便教入水求珠又云合浦之習水者善游入如沈縮出如輕鳧唐書柏良器傳擢弩手善游者沿汴渠夜入通鑑商胡以巨舟濟河北兵至中流悉殺之有獸醫游水得免又云高仁厚募善游者監賊舟又云李歸仁為郭子儀伏兵所敗游水而逸又云韓晃將王栖曜游汴水夜入寧陵城古或以汙為沒者方言潛沈也游也郭注潛行游水底行水中亦曰游釋言流游也郭注云潛行游水底

汙或從囚聲

一切經音義十一泗正字作汙說文云浮水上者也列子說符篇人有濱河而居者習於水勇於泗申鑒政體篇濟大川者太上乘舟其次泗泗者勞而危乘舟者逸而安南齊書張敬兒傳乘解艤過江中江遇風船覆左右丁壯者各泗走御覽引袁山松白鹿詩序荆門山臨江北岸有一白鹿泗過注云泗音囚言浮過也顧炎武曰越世家乃發習流二千習流謂士卒中之善泗者別為一軍素隱乃曰流放之罪人非也庾信哀江南賦彼鋸牙而鉤爪又循江而習流

𨇖

履后渡水也從水從石詩曰深則𨇖

力制切

履后渡水也者楚詞九歎擢舟杭以橫瀾兮注云瀾渡也由膝以上為瀾也經典通作𨇖詩有孤在彼淇瀾列子說符篇有一丈夫方將𨇖之注云𨇖涉水也史記司馬相如傳橫𨇖飛泉以正東正義𨇖渡也後漢書班超傳超更從它道𨇖渡注云由帶以上為𨇖馥案諸書皆本爾雅與本書異詩曰深則𨇖者邯鄲有詩葉文彼作𨇖傳云以衣涉水為𨇖謂由帶以上也釋文引韓詩至心曰𨇖釋水濟有深涉深則𨇖淺則揭揭者揭衣也以衣涉水為𨇖膝以下為揭絲膝以上為𨇖詩之義以上為𨇖馥案鄭注論語由膝以上為𨇖戴君震曰詩之意以水深必依橋梁乃可過喻禮義之大防不可犯若淺水則褰衣而過尙不褻衣水經注云段國沙州記吐谷渾於河上作橋謂之河𨇖此可證橋有𨇖之名衛詩淇梁淇𨇖竝舉𨇖固梁之屬也就茲一字爾雅失其傳說文得其傳

𨇖

𨇖或從𨇖

𨇖

水上人所會也從水奏聲

倉奏切



水上人所會也者一切經音義十一字林湊水士人所會也湊亦聚也廣雅湊聚也賈注國語湊聚也王注楚詞湊聚也周書作維解以爲天下之大湊注云湊會也燕策士爭湊燕漢書溝瀆志水行地下湊澗上徽詡靈運山居賦衆流所湊

川

一沒也從水甚聲一曰湛水豫章浸

宅

浸也者論衡明雪篇變復之家以久雨爲湛久陽爲旱旱應亢陽湛應沈溺漢書五行志左氏昭公二十四年十月癸酉王子鼂以成周之寶圭湛于河史記河渠書塞長焚兮湛美玉經典借沈字廣雅沈沒也小爾雅沈沒也書洪範沈潛剛克詩菁菁者莪載沈載浮襄十八年左傳沈玉而濟定三年傳執玉而沈尙書大傳沈四海周禮大宗伯以狸沈祭山川澤視禮祭川沈釋天祭川曰浮沈戰國策城之不沈者三板又學者沈於所聞一曰湛水豫章浸者周禮驪方氏正南曰荆州其浸潁潁鄧注潁宜屬豫州在此非也湛未聞馥案本書豫章浸當爲豫州許慎又云合地理志荆州潁曰潁潁顏注潁水宜屬豫州其浸潁潁潁水潁州浸並未詳也丁君杰曰城方荆州其浸潁潁潁

州其浸波濫誤厥地地理志謂之鄭康成注周官未聞湛水所在又誤以波爲榮播而疑潁宜屬豫注宜屬潁於地形頗合不知說文已證周官地理志之誤矣說文潁豫州浸湛豫州浸湛潁州浸是許氏所見周官最爲善本至水經卷六之湛水出河內軹縣卽河水篇中所云東逕平陰縣北湛水從北來注之者與潁州之浸潁不相涉襄十六年左傳楚公子格帥師及晉師戰于湛阪注云襄陽昆陽縣北有湛水東入汝土地名昆陽縣北有蒲城蒲城北有湛水水經注汝水云湛水出犍縣北魚齒山下爲湛浦方五十餘步春秋襄公十六年晉伐楚報楊梁之役楚公子格及晉師戰於湛阪楚師敗績遂侵方城之外今水北悉枕翼山阜於父城東南湛水之北山有長阪蓋卽湛水以名阪故有湛阪之名也湛水又東南逕蒲城北京相璠曰昆陽縣北有蒲城蒲城北有湛水者是也湛水又東於汝水九曲北東入汝杜預亦以是水爲湛水矣周禮荊州其浸潁潁鄭玄云未聞蓋偶有不照也今考地則不乖其土言水則有符經文矣郡國志潁川郡昆陽有湛水元和志汝州龍興縣湛水在縣東三十里

古文

𣶒

沒也從水𣶒聲

切

沒也者集韻湮沒水中也廣雅湮沒也釋詁湮落也郭注湮沈落也

𣶒

沒也從水從人

切

沒也者玉篇引孔子曰君子休於日小人休於水今禮記緇衣作溺注云覆沒不能自理出也方言出休為拊又云湮休也廣雅湮沒也又云溺沒也釋名成於水曰溺溺弱也不能自勝之言也詩桑柔載胥及溺樂記姦聲以濫溺而不止真誥有人拜河水河伯教以水行不溺法徐錯本有讀與溺同四字

𣶒

沈也從水𣶒聲

切

沈也者沈當為湛本書湛沒也𣶒入水有所取也顓頊水中也小爾雅沈沒也僖四年左傳昭王南征而不復高注戰國策引作沒而不復唐石經旁增沒字襄二十四年傳何沒沒也杜注沒沒沈滅之言莊子達生篇若乃夫沒人則未嘗見舟而便燥之也注云沒人謂能溺沒於水底說苑不臨於深淵何以知沒溺之患

𣶒

沒也從水畏聲

烏恢切

沒也者廣韻沒沒沒廣雅沒沒也